

ქართული  
შინაური

# ქართული შინაური



№ 6




მრ. ზ. დ. ი. — ი. ვ. ნ. ს. ი.



1911

# შინაარსი.

I—ახალგაზდა ქალი,—ქანდაკება . . . . .	1
II—გაზაფხული, —ლექსი, ვაშა-ფაშაველასი . . . . .	6
III—პატარა ამბავი,—გ. მალაქიაშვილის . . . . .	5
IV—გაკვეთილის გამოტოვება,—დ. თურდოსპირელის . . . . .	13
V—მთის წყარო,—ლექსი გ. ქუჩიშვილის . . . . .	20
VI—ზღვის სიმღიდრე,—ვისუცკის, (თარგმ.) ნ. წუწუნავასი . . . . .	21
VII—ცეცხლი ნავთის ქარხანაში, —(სომხურით) შირვანსა- დესი თარგმანი ე. კ—ის . . . . .	29
VIII—სოკოზე,—ხუციშვილის . . . . .	37
IX—ორი მხატვარი,—თარგმანი ავადიანის . . . . .	41
X—ლოთი,—(იგავი) ად. შირიანაშვილის . . . . .	52
XI—ქიმია,—ჰაერი—ზოდ ბურისა (თარგმ.) ნ. დამაურის . . . . .	54
XII რებუსი . . . . .	64



# ნაპარეული

საქართველოს მუსიკის

წიგნის გამომცემი.



035060, 1911 წ.

292




ახალგაზრდა ქალი, — ქანდაკება.



# შინაარსი.

I—ახალგაზდა ქალი, — ქანდაკება . . . . .	1
II—გაზაფხული, — ღექსი, ვაშა-ფაშაველასი . . . . .	3
III—პატარა ამბავი, — ვ. შალაქიაშვილისა . . . . .	5
IV—გაკვეთილის გამოტოვება, — დ. თურდოსპირელისა . . . . .	13
V—მთის წყარო, — ღექსი გ. ქუჩიშვილისა . . . . .	20
VI—ზღვის სიმდიდრე, — ზისეცკისა, (თარგმ.) ნ. წუწუნავასი . . . . .	21
VII—ცეცხლი ნავთის ქარხანაში, — (სომხურით) შირვანზადესი თარგმანი ე. კ—ისა . . . . .	29
VIII—სოკოზე, — ხუციშვილისა . . . . .	37
IX—ორი მხატვარი, — თარგმანი ავალანისა . . . . .	41
X—ლოთი, — (იგავი) ად. შირიანაშვილისა . . . . .	52
XI—ქიმია, — ჰაერი — ზოდ ბერისა (თარგმ.) ნ. ლომურისა . . . . .	54
XII რებუსი . . . . .	64





## გაზაფხული.



ინვისგან შეწუხებულმა  
 ვნახე—ზამთარი კვდებოდა;  
 ლელმა-ნაკრავი ყინული  
 მდინარეებზე ტყდებოდა;  
 ბატი, წერო და ყარყატი  
 მათ ნაპირებზე სხდებოდა

და გაზაფხული ზღაზვნითა  
 სამარიდანა დგებოდა.

ტანით სუდარას იხდიდა,  
 დიბ-ფარჩით იმოსებოდა.

ეუწყა განგების ძალსა  
 მთისა, ბარისა, ტყისადა:

„გამოიჩინეთ ყველამა,  
 უნარი გახლავთ რისაცა,  
 ბრძანება არი უფლისა—

აყვავდეს ქვა და ქვიშაცა!“

მიწის გულ-მკერდში ჩახუტულთ

თავი ამოჰყვეს იათა,


სამოთხის ფერი დაიდევს

არე-მარეთა ტყიანთა;

დიდი გამართეს ზეიმი  
 მწერთა, ოთხ-ფეხთ და ფრთიანთა.  
 სიკოცხლე სცხოვრობს ყოველგან,  
 სიკვდილი არ სჩანს, მომკვდარა;  
 ჟუჟუნა წვიმამ დაუშვა,  
 მთიდან ღვარები მომსკდარა.  
 გუნდი და გუნდი ყვავილთა  
 მიწის გულ-მკერდზე მიმსხდარა,  
 ნაშენი ცხვრის და ძროხისა  
 ფარებად კარზე მომდგარა.  
 დიდება უფლის სახელსა,  
 რა კაი საქმე მომხდარა!

ვაჟა-ფშაველა.





## კატარა ამბავი.

I.

ნელეთმა კალთები აიკრიფა...

ნისლის საბანი-ლა ჰბურავს მიღამოს...

აყლორტებული ტყე-ველი ყურება-  
აქვეტილია ვით კურდღლის ბაჭია.

ლამით ნაწოვი რძე ცვარად ადგია მცენარეთა ტუჩებს...

აი, მზემაც ისართ კონები სტყორცნა ცის კამარას...

ოქროდ დსახა ფიჭუნის გუმბათი...

გორაკებს გვირგვინს უგვირისტებს, ბუზმენტებით უმკობს...

დაბლობები და ხეობანი ჯერ კიდევ ვერ იხილვენ მზის სხივებს...

სადგური ქედიანიც კარგა ხანს იქნება გულ-დაწყვეტილი: მნათობის შუქს აგრე ადვილად არ დაუთმობენ ირგვლივ შემოწოლილი სერები...

არც იწუხებს თავს, შეეჩვია ასეთ ყოფას. მიუყუდნია

ზურგი ერთ აკოკებულ სერისთვის და მდინარის დუდუნს მენს. ბაღებს გულში მხურვალედ ჩაუკრავთ სადგურზე მსახურეთა ბინები... ირგვლივ ზურმუხტის ხალიჩებია გაყვანილი...

სადგურის მოსამსახურენიც ახლა-ღა იღვიძებენ... მატარებელს ელიან... ემზადებიან...

აქა-იქ ხურჯინიანი მგზავრები სჩანან. . ზოგი რკინის ღობეს მისწოლია, ზოგიც ჩამომჯდარა. უცქერენ სამ წყვილ რელსებს, რომელნიც გველებივით გაწოლილან და ორივე მხრივ მოზურმუხტებულ გორაკებში ინთქებიან.

რამდენიმე ფეხ-შიშველ, თავ-შიშველი ბავშვიც მოუთმენლად ელის მატარებელს... თმა-აბურძგნულნი ძილს-ებრძვიან... რალაც-რალაცები გამოუტანიათ მგზავრებისათვის მისაყიდად.

მელიკოც ამათ რიცხვშია... სამი წყვილი ხაქაპური აქვს... სულ ცხელ-ცხელი, ორთქლი ასდის.

ცოტა ხანი და მატარებელმაც დაიწვილა, დაიზუზუნა, გააპო დილის ღუმილი... ტყე-ღრემ ბანი მისცა... არემ გაიღვიძა...

მთელი ქედნიაც ფეხზე დადგა... სადგურის უფროსი წითელის ქუდით კარებში დადგა, მისი თანაშემწე რელსებს მიუახლოვდა—მატარებელს წასასვლელი ნიშანი უნდა ჩამოართვას.. მობუზული მსახური ზართან აიტუზა—მარჯვენა ხელი ენაზე ჩამოკიდებულ ბაწარს წაავლო.

მგზავრებიც აფუსფუსდნენ, ბარგი-ბარხანა ხელში აიღეს, ბილეთებს ისინჯვენ... ფიქრობენ, თუ რა ადგილს უფრო ადვილად ავლენ და დასხდებიან მატარებელში...

მოვაქრე ბავშვებმაც თავიანთი სავაქრო მოიმარჯვეს და გაფაციცებით არიან.

— ქუშუ... ქუშუ...—მოქშინავს მატარებელი და ჰაერში ორთქლის ბურთებს ისვრის... მოიზღანზნება ვით ვეშაპი... თან სახლები წამოუკიდია ზურგზედ და მოდრიგინებს.





მოვიდა... ერთი წყვილი რელსები ტახტად გაიხადა, მუსულმა დაორთქლა, თავს სიმწრის ოფლის ცხელი წვეთები დააყარა.

— ნაუ... მოისმა ზარის ხმა.

— ვის გნებავთ ყველი... მაწონი... კვერცხები?..

— კარგი ვაშლები... ქათამი... ხიჭაპური... რძე...— იძახიან მატარებლის დამხდური ბავშვები და აქეთ-იქით დაცანცარობენ...

— აქეთ პატარა, აქეთ! რა მოგცე? რა ღირს? ხომ სალია?...— ეკითხებიან მგზავრები.

— შაური... ორი შაური... თითო ორი კაპეიკი...— ისმის ბავშვების პასუხი.

— ნაუ... ნაუ!...— კიდევ ამოიკვნესა ზარმა... ეხლა ორჯერ.

მატარებელს რამდენიმე მგზავრი მოუყვანია ქედანისათვის... მოსამსახურენი გადი-გამოდიან... ზოგმა ბავშვმა უკვე დაიცარიელა ხელი. რიგიც ახლა იცარიელებს და ფულს ითვლიან.

მელიკომ სამი ხიჭაპური უკვე გაყიდა. დანარჩენ სამზე-დაც მოურიგდა ერთ დედაბერს. ახლა ფული უნდა აიღოს. დედაბერს ხურდა არ აღმოაჩნდა,— მანეთიანი-ლა აქვს.

— დაახურდავებ, გოგო?— ეკითხება მელიკოს და თან ხიჭაპურებს აკვირდება.

— კი ბები, კი, ახლავე— და მელიკომ ფული გამოართვა.

— მალე, თორემ მატარებელი წავა!..— ცხარობს დედაბერი და თან სათვალეებს ისწორებს.

მელიკომ კი „ბუდკასთან“ მიიბრინა.

— მალე, შენი კირიმე, მალე!— ეხვეწება მებუდკას, — უჩქარე, თორემ მატარებელი აინძრევა...

— რა გაჩქარებს, გოგო? თუ წავა— წავიდეს, — დინჯად ეუბნება მოხუცი მებუდკე და ზარმაცად ეძებს ხურდას, — მელიკოს მიცემული მანეთიანი-კი დახლის უჯრაში ჩაუძახა.



— ნაუ... ნაუ... ნაუ...—ახლა-კი სამჯერ ამოიხსნა ზარმა... მელიკო ატორტმანდა... დაუსტვენეს... ორთქლმავალმა ამოიგმინა.. მატარებელი დაიძრა...

— მალე, მალე!—ყვირის გაცხარებული დედაბერი მატარებლიდან... მელიკო-კი ჯერაც არ განთავისუფლებულა, ტყუილად აჩქარებს მებუდკეს. საშინლად სწუხს: ხან მატარებელს უცქერის, ხან მებუდკეს...

კიდევ წუთი და ფულებიც ხელში აქვს... მატარებელი ჯერ კიდევ ჩქარა არ მიდის, მგონი დაეწიოს... მოწყდა. მისდევს, რაც შეუძლია... მატარებელი-კი თანდათან ფეხს უჩქარებს... აი, ესაა მელიკო უნდა დაეწიოს მოხუცის ვაგონს... დედაბერსაც ხელები გამოუშვერია...

უცებ ბავშვმა ფეხი წაჰკრა და ცემენტით მოლესილ ბაქანს დაასკდა... ფულები დაეფანტა... დედაბერმა შეჰკვივლა— უკან გადიხნიქა...

— დედავ, შვილო, კინალამ ცოდვა მეკითხა, —წამოიძახა და გაშხლართული მელიკოც კარგა უკან ჩამორჩა.

— დედიკო, რა მომივიდა?!—წამოიძახა მელიკომ და ფიცხლავ ზეზე წამოიქრა.

მატარებლის კუდი-და დაინახა. ფულები საჩქაროდ მოკრიბა. ამხანაგები შემოესიენ, ვიშვიშებენ, ვალალებენ.

— რა მომივიდა ეს რა მომივიდა? რისთვის წავართვი იმ ქალს ფულები?—ამბობდა მელიკო და ის იყო სატირლად ეშხადებოდა.

— გოგო, შტერი ხომ არა ხარ? ფული იშოვე და სტირი?—დაცინვის კილოთი უთხრა ერთმა მოზრდილმა ამხანაგმა.

— ამ ხელა კაცს ჰკუა არა გაქვს!—შენიშნა მეორემ, — მაგას ჰქვია ფულის შოვა?..

— რა უყო აწი ამ ფულებს? რა მოუხერხო?.. ამდენი არ მერგებოდა. . ცოდვაა... დედა რას მეტყვის?—წუწუნებდა შეშინებული და დარცხვენილი მელიკო. თავისი ტკივილი სრულიად არ ახსოვდა, დაბეჭილ ხელს ყურადღებას არ აქცევდა.



ამხანაგებში ზოგი აიძვებდა, ზოგიც, ცოტა არ უფრო შეჰყურებდა.

— გოგო, რა ქენი, მიაწიე იმ ქალს ფული? — ჰკითხა მებუტყე მოხუცმა.

— ვერა, ბაბუა, ვერა... მე სასიკვდილემ... რა ვქნა ახლა, როგორ მოვიქცე? — შესჩივლა მელიკომ

— როგორ მოიქცე და ნახევარი ფული მე მომეცი... მოიტა აქა...

— შენ რათა?

— როგორ თუ რათა? აკი მე გაშოვნინე ის ფულეპი! ხურდა რომ დროზე მომეცა; ხომ ვერ შეირჩენდი... მოიტა აქა! — ამ სიტყვებით მოხუცი დახლზე გადმოვიდა და მელიკოსკენ წამოიწია.

— უი, ღმერთო მომკალი! რა სთქვი ეს ბაბუა? ცოდვა არაა ის ქალი? ესაა მადლი? — მელიკო საშინელი ნაწყენი იყო. გაკვირვებული უცქეროდა მოხუცს.

— რის ცოდვა? ის სულელია ვიცხაა, თვარა მანეთიანს შენ მოგცემდა დასახურდავებლად?

— სულელი კი არაა, მშვენიერი გულის იყო საწყალი... იმისთანა მშვიდობიანი სახე ჰქონდა, რომ...

— ფული მოიტა აქა, ფული! — გააწყვეტინა მოხუცმა.


პირველად მელიკოს ეგონა, ხუმრობსო, მაგრამ ახლა კი აზრი იცვალა. უკან დაიხია და გასაქცევად დაემზადა.

— დედა არ მომიკვდეს, არ მოგცე... ჯერ დედას ვეტყვი და, როგორც ის მიჩვენებს, ისე მოვიქცევი...

— როგორ თუ არ მომცემ! — შეუყვირა და დასაქერად წაებოტინა.

მელიკო კი ადგილიდან ელვასავით მოწყდა და ერთ წამს გაშორდა იქაურობას.

— არ გინდა აქ მოსვლა?! — უყვიროდა მოხუცი, — თუ კაცი ვყოფილვარ, ფეხს არ დაგადგმევინებ აქ დღეიდან... ერთი კაპიკისას არას გაგაყიდვინებ!.. ვნახოთ, ვის დააკლდება?



— რას ერჩი, ბაბუა, ერთი საწყალი ბალანაია, — ლელებით უთხრა მოხუცს ერთმა მელიკოს ამხანაგმა. მელიკოს სხვებიც დაემოწმნენ.

— დაიკარგეთ აქედან, თქვე არამზადებო, თქვენა! — შეუყვირა იმათაც მოხუცმა და ყველანი მიფანტ-მოფანტა.

## II

მელიკო მიფრინავს, მიწაზე ფეხს არ აკარებს, თან უკან იხედება. ფული მაგრა ჩაუბლუჯავს. გადიცანცარა ნამით ნასხური მინდორი... მდინარეს მიაღდა... მოდუდუნეს თვალი შეავლო... ჩრდილოეთიდან მომდინარე სამხრეთისკენ მიელურტულებდა... ვერცხლის ზურგზე ალაგ ალაგ ნისლის ლეჩაქი ეფარა... ერთის ნაპირით მთის უბეში შეწოლილიყო...

მელიკოს მის სათვალეებლად არ სცალოდა. მსწრაფლ მიირბინა ხიდის მაგიერ ზედ გადადებულ ორ გრძელ ხესთან.. ერთ წუთში გადირბინა, მოაჯირისათვის ხელიც არ მოუვლია.. კორტოხზედ წამოსკუპებულ თავის სახლსაც თვალი მოჰკრა.

შეუმჩნევლად შესრიალდა ფერდობზე გადაცვარულ ბუჩქნარში... დაკლაკნილი ბილიკი მონახა. ცდილობს ნამით დაყურსული ჩირგვის ტოტები არ შეარხიოს... კურდღელივით მიცანცალობს...

მალი-მალ გადმოჰხედავს მწვანეში ჩანთქმულ ქედიანს. ვერავინ დაინახა. გული დაიიმედა, აწი მოხუცი ველარ დაძეწევაო.

მუქა გაშალა, ფულებს აკვირდება... მოაგონდა დედაბრის ღმობიერი სახე, სათნო შესახედ ობა... სირცხვილმა დასწვა. „აღბად ბოროტ ბავშვად მთვლისო“ გაიფიქრა და დაღვრემილი მიდის.

მოაგონდა მოხუცი მეზუდკე. დაწყურული, ახმახი... ზიზლით აივისო... „წაწყმენდილი, მისი ბრალია, მისი ეს“ გაიფიქრა...



მაგრამ ამ დროს ერთმა აზრმაც გაურბინა—იქნება კიდევ იამოს ამ ფულების მიტანა და საქციელი მომიწონოსო. ნემსად დაესო ეს აზრი გულში. ფიცხლავ მოიშორა...

უკვე გორაკის წვერშია. მზის სხივებმა ჩაკოცნეს. ცვარში დასველებულ ტანსაცმელს უშრობენ. „მატარებელი აქეთ წავიდა“ გაიფიქრა და მოწყენილმა აღმოსავლეთს გაჰხედა...

იქ მზე კისკისებდა... ცის ლაევარდში ოქროს სამოსელს ჰქსოვდა, მაქოს ატრიალებდა, ვით ფეიქარი... სამოსელი ელვის სიჩქარით იქსოვებოდა და ქვეყანას ეფონებოდა...

მელიკოს კი იმ დედაბრის სახე არ შორდებოდა... მოწყენილმა თვალი აარიდა ციურ ფეიქარს.

— შეილო, რად გაჩერებულხარ მანდ? სად იხედები?— მოაძახა დედამ. მელიკო შეკრთა, პირი იბრუნა. დედა ქოხთან დაინახა: დერეფანი დაეგავა, პატარა ამწვანებულ ეზოს ათვალიერებდა. დამკლავებულ-დაკარწახებული იყო, ფეხ-შიშველი იდგა.

— დედიკო!..—მელიკოს ხმა აუკანკალდა.

დედამ ცოცხი დააგდო, შეილისკენ გამოექანა...

— რა იყო, შეილო, რა მოგივიდა?—თავზე ხელს უსვამს, სახეზედ უცქერის. მელიკო კი სლოკინებს, სიტყვა ვერ უთქვამს..

— სთქვი, შეილო, რა მოგივიდა?..

ზღუტუნით მოუყვა ყველაფერს, რაც იმ დილას გადახდა... დედა გულ-დასმით უსმენდა.

— მეტი ხომ არაფერი იყო?—ჰკითხა დასრულებისას.

— არა

— იქნება რამე დამიმაღე?

— არა, მამაჩემი არ წამიწყდეს...

მელიკომ ცოტათი ტირილს უკლო. დედას უცქერის ქურდულად—აბა, რა გამოეხატება სახეზეო. წელანდელი ეჭვი გულში უტრიალებს, ფიქრობს: იქნებ კიდევ მომიწონოს დედამ ესაო—და გულში თითქო ვიღაც ჰკბენსო.



— ღმერთი შეგეწევა, შვილო, რომ სხვის ნაშრომებს უყურებ, — უთხრა ბოლოს დედამ, — რაკი სხვის სიგლახეს და წახდენას არ ფიქრობ, ღმერთი არც შენს საქმეს წახდენს... გიწინამძღვრებს, ობლობას გაგიადვილებს...

მელიკოს გული განათლდა, ეკვები ჩაიკლა გულში, მზათა დედას მოეხვიოს, ჩაკოცნოს...

— მომეცი, შვილო, აბა, ის ფული!..

მელიკომ მისცა. დედამ ხელის გულზე დაილაგა და თვლა დაუწყო.

— სამი შაღრი ჩვენია, მაშ, ჩვადმეტი კი იმ ქალის... იცნობ, შვილო, რომ ნახო?

— როგორ არა, დედა...

— მაშ, კარგი. ყოველ მატარებლის მოსვლაზე თან გაიტანე ეს ფული და იქნება მართლაც იცნო ის ადამიანი და დაუბრუნე... თუ ვერ ნახავ, შემდეგ ვისმე გლახას ვაჩუქოთ, ასე აჯობებს, მაღლია...

— კი დედა, კი... უთუოდ ვნახავ იმ ქალს... მანამდეც მინახავს. — ეუბნება გახარებული მელიკო და ფიქრობს: ნეტავი ერთი იმ ქალს დაანახვა, თუ რას ვფიქრობთ ახლა მე და დედა... მაშინ კი ცუდ ბავშვად არ ჩამთვლის, ჰნახავს, რა კეთილი დედა მყავსო...

— მაგრამ იცი, შვილო, რას გეტყვი? დღეიდან არასოდეს ასე არ მოიქცე... დასახურდავებელი ფული არავის გამოართვა, თორემ ასე მოგივა, — დაარიგა დედამ.


— დედა, ის მებუდკე მოხუცი? — შეეკითხა ბოლოს მელიკო.

— ნუ გეშინია, შვილო, გეხუმრებოდა ალბად.

სალამოზე მელიკო გულ-დამშვიდებით მუშაობდა დედასთან ერთად ბოსტანში. გულში დარწმუნებული იყო, რომ ხვალ თუ არა, ზეგ მაინც იმ დედაბერს ჰნახავდა და ფულს დაუბრუნებდა.

**ვ. მალაქიაშვილი.**

(დასასრული იქნება)



# გაკვეთილის გამოტოვება.

(უძველესი ჩემს ძვირფასს მასწავლებელს ალ. შ—ძეს).



აზაფხული იდგა. მოწმენდილ ცაზე მზე ამო-  
 ბრწყინებულიყო და უხვად ჰთანტავდა ცხო-  
 ველ-მყოფელ სხივებს. ხმელეთს გადაეძრო თოვ-  
 ლის საბანი და მწვანედ გადაქარგულიყო. ნია-  
 ვი ისე ჰქროდა მთა-ბარად, ისე სათუთად ევ-  
 ლებოდა კვირტ-გამოდებულ ხეებს, თითქოს მე-  
 გობარი ეალერსებოდეს სწეულებისაგან განკურნებულ მეგობ-  
 არსაო. ნაკადულები მალხაზად მოსჩქეფდა კორდიდან—  
 კორდზე და ვერცხლის ცვრებით ეფრქვეოდა ია-ენძილებს,  
 რომელიც ბრჭყვიალა ღილებივით გამოსხმოდა ველ-მინდვრებს.  
 ფრთოსნების ყივილ-ხივილს საზღვარი არა ჰქონდა. რიგი ბუ-  
 ჩქებზე შეხუნზლულიყო, რიგი წითლადა და თეთრად გადა-  
 პენტილ ატმის ტოტებს მოჰფენოდა. არც ადამიანი ჩამორჩე-  
 ნოდა ბუნების მეჯლისის და გაზაფხულის ფერადობას წრფელის  
 ღიმილით ესალამებოდა.

უფრო მეტი სიცოცხლე ეტყობოდა „საბურთალოს,“  
 რომელზედაც ბანგრძლივ დასვენებისთვის გამოფენილიყვნენ გიმ-  
 ნაზიის მოწაფენი. სიცილი, კისკისი შეერთებოდა სირთა სტვე-  
 ნას და ზარივით წკრიალებდა.



ზოგვან ბურთაობა გაეჩაღებინათ, ზოგვან „ათურმა“, ზოგვანაც სირბილში გაჯიბრებულიყვენ.

კაპწია სერზე გადმომდგარიყვენ მომღერალნი და მგოსანთა ლექსებს საუკხოოდ აკრიმანჭულვდნენ.

მათგან მოშორებით გულ-აღმა მწოლი მეოცნებენი შეჰყურებდნენ ლურჯად მოკამკამე ცასა. ხანაც თვალს მიაპრობდნენ ცამდე აზიდულ, ყინულის ვარაყებით შემკობილ მყინვარსა და დიდხანს რჩებოდნენ გალურსულნი.

ვინ იცის, რას ოცნებოდნენ! ჭაბუკის გული ხომ უძირო ზღვა არის!

ერთის კლასის მოწაფენი დაეძებდნენ ალისფერ ენძელასა. ამ დროს კორდიდან დაეშვნენ და გვერდით ჩამოურბინეს ბიჭებმა, რომელთაც ხელში იის კონები ეჭირათ. ხსენებულ ჯგუფის ყურადღება მიიპყრეს გაცრეცილ იებმა.

— ვიშ, რა მალე მოსულა ია! — წამოიძახეს ერთხმად და შემოეხვივნენ იის პატრონებს.

— სად დაჰკრიფეთ?

— შორსაა თუ ახლო?

— ბევრია მოსული? — ჰკითხავდა თვითეული რამდენჯერმე.

აღმოჩნდა, რომ ია ბალახივითაა მოფენილი „კუს ტბის“ შიდაშოებზე.

— ოჰ, რა კარგი იქნება, იის კონებით რომ მივიდეთ შინა, ყველას არ გავაკვირვებთ! ჯერ ხომ ყვავილის მალაზიებშია ცი არა ჰყიდინან, — წარმოსთქვა ერთმა.

— ჰაი, ჰაი, რომ კარგი იქნება — დაუდასტურეს დანარჩენთ.

აი, ამოდენა ბიჭი გაეხდი და ერთხელ არ დამიკრეფია ჩემის ხელით ყვავილები... ვერ იქნა, ვერ მოვშორდი ქვით-მოკირწყულულ ქუჩებსა! — დაიწყა ჩივილი მეორემ.

— ყველა ყველა და მალე სწავლად რომ მიგვიწვევენ, ის როგორიღააო, — მოაგონა მესამემ.





გაკვეთილის გახსენება და მოწაფეთა დანაღვლიანება-  
 თი იყო. მოდი და ამ ტურთა მინდვრიდან კლასში დაბრუნ-  
 დიო, — გაიფიქრა ყველამ.

მოზარმაცე კოტემ ალლო აულო ამხანაგების ფიქრებსა და  
 მომხიბლავად წარმოსთქვა: — ბიკებო, რაც გახდეს გახდეს, მო-  
 დი, ლათინურ გაკვეთილს ნუ დავესწრებით.

თუმცა ყველას ესიაშოვნა კოტეს წინადადება, მაგრამ ხმა  
 მაინც არავის ამოუღია. ყოყმანში იყვნენ. ერთი მხრით, ან-  
 დამატივით იზიდავდა საოცნებო წალოკტად გადაფენილი ტბის  
 კიდენი და მეორე მხრით ეკრძალებოდათ გაკვეთილის გამო-  
 ტოვება. იმდენად სასჯელის შიში არ აფიქრიანებდათ, რამდე-  
 ნადაც იმის წარმოდგენა, თუ რაზომად გაანაწყენებდნენ საყუ-  
 რელ მასწავლებელსა.

კოტემ ხელმეორედ გაუმეორა წინადადება.

— ძამია, ლაღობა და ნავარდი კარგია, მაგრამ როგორ  
 გამოუშვათ ლათინური? მეხუთე გაკვეთილიც ხომ იმისი  
 გვაქს — რუსული ენა. რა პირით უნდა შევხედოთ? ხომ სირ-  
 ცხვილით დავიწვით! მერე როგორ უყვარვართ და რანაირად  
 ზრუნავს, რომ სწავლაში არავინ ჩამოგვრჩეს, — წარმოსთქვა  
 სეფემ და ამხანაგებს გადაჰხედა — აბა, რას იტყვიანო.

— არ გინდათ? მიბრძანდით და იხეპირეთ გაკვეთილი,  
 ხელს არ შეგიშლით, — მიადახა გაწიწმატებით კოტემ და გვერ-  
 ღზე გადაგა.

— არა, სწორედ იღბალია, მე და ჩემმა ღმერთმა! ე ლა-  
 თინური ენის მასწავლებლობა რალა მაგას შეახვედრეს? ჭირი-  
 ვითა მძულს ეგ საგანი, მაგრამ ისე მეხათრება მასწავლებლი-  
 სა, რომ იძულებული ვარ ვისწავლო.

— რა მოვიგონე, რა მოვიგონე! — წამოიძახა თვალზე-გა-  
 ბრწყინებულმა ნიკომ.

— აბა, აბა, რა მოვიგონე, გაგვაგებინე! — გაისმა აქეთ-  
 იქიდან.

— მოდი ამ გაკვეთილს მოვცდეთ, მეხუთე გაკვეთილის-



თვის შევადგინოთ წერილი ამ შინაარსისა: ძალიან გვგონია, ხარ, მასწავლებლო, ძალიან, მაგრამ ისე გაგვიტაცა ყვაი-ლებმა, რომ შევეცდით და მოვეცდით მესტადინეობას. ვთხოვთ, მიიღოთ ჩვენგან წრფელის გულით მოძღვნილი იის კონა და ჩვენი დანაშაულიც გვაპატიოთ.

— მერე წერილი რანაირად გადავცეთ?

— იის კონაში ჩავდოთ.

ყველამ მოიწონა ნიკოს მოგონილი და წინდაწინვე შე-უდგნენ უსტარის შედგენასა.

ამსობაში სასწავლოდ მომწოდებელი ზარიც დაირეკა. ყველა ყრიაშულით გაემართა სკოლისაკენ, გარდა ხსენებულ ჩარფუხანებისა.

ყმაწვილები არ მოსტყუდნენ. მართლაც ტბის პირას ამოღერილიყო იები და მორცხვად ელამუნებოდა მზის სხი-ვებსა.

შენი გულისა, შენი გულისა! რა რიგად ბიბინებენ ქოჩორ გადავარცხნილები! — წამოიძახეს და იწყეს სათუთად მოკრება იისა.

— რა ლამაზია!

— რა ნაზია!

— რა სურნელოვანი!

გაისმოდა აღტაცებით.

იები თუმცა გრძნობდნენ, რომ გაფუებულ დედამიწის დაშორებით სიცოცხლე უმოკლდებოდათ, მაგრამ, რა ჰხედავდ-ნენ პატარების სიხარულს, თვიფონაც იღიმებოდნენ, თითქოს ამბობდნენ: რა უყოთ, რომ მოკლე დღისანი ვარა, სამაგიე-როდ, გაზაფხულის სხივებს ხომ პირველად ჩვენ მივეგებენით. ზანთრისაგან გაძრცვნილ ბუნებას ხომ ჩვენ მივეცით ელ-ფე-რი, ჩვენ მოვქარგეთ, ჩვენ გავაკეკლუცეთ. ყმაწვილებს ხომ ჩვენ აუჩქროლეთ ხალისიანი გული, ჩვენ ვახარეთ ახალ დრო-ყამის დადგომაო.

მოწათენი რომ პეპელებივით დაჰფარფატებდნენ ყვაი-



ლებს — ქალის პირიდან მოისმა სალამურის სტვენა. ყურები სცქვიტეს. მელოდია უფრო გაძლიერდა, გამრავალ-ფერადდა, ჰანგთა ნაკადულებად გაიბნა ფირუზ ეთერში; არა ჰგავდა ლალ, უდარდელ გედის სიმღერას, არა ჰგავდა ცქვიტს ნიავს, რომელიც ჩამოუქროლებს მოლივლივე ტბის ტალღებს, აათამაშებს ზილფებს, მოჰბერს მიჯრით მიწყობილ ლერწმებს, ააშრიალებს და წკრიალა ჰიმნად დაადნება სმენასა. — არა! კაეშნიათი იყო მისი სტვენა. პირველ ბგერის უმაღლ, სევდიანად აგაყრუოლებდა ადამიანს, ისე, ვით ყრუოლავს ხოლმე ოდნავ ნიავის აფუჩუნებაზე ტოტებ-დანრილი მტირალა ტირიფი.

ბავშვები გაემართნენ იქით, საიდანაც ისმოდა სტვენა. ბუჩქის ძირას მოღზე წამომჯდარიყო სალამურის დამკვრელი პატარა მწყემსი და გვერდით ესხდნენ სწორები.

— გამარჯობათ, გამარჯობათ, თქვენ!

— გაგიმარჯოთ, იცოცხლეთ! — გამოეხმაურნენ მწყემსები.

— სადაური ხართ, ძმობილნო? — შეეკითხა ვასილი.

— წყნეთელები!

— ე საქონელი თქვენია?

მწყემსებმა ღიმილით ერთმანეთს გადაჰხედეს.

— რას იცინით, მართლა გეკითხებით.

— ეე, ქალაქელებო, ჩვენ ვინ მოგვაოხრა ამოდენა საქონელი, მოჯამაგირებთათა ვართ.

— უკოლელები ხართ, არა? შეეკითხნენ ახლა მწყემსები.

— ჰო, მოსწავლენი.

— ამ სიშორებზედ რად წამოსულხართ მაგდონა ხალხი?

— ის დასაკრებად.

მწყემსებმა კიდევ ჩაიცინეს.

— ნეტავი თქვენა, წიგნებსა სწავლობთ! — შეჰნატრა სალამურის დამკვრელმა და ამოიოხრა.

— როგორ თუ ნეტავი ჩვენა!?! თუ კი გსურთ სწავლა, ვინღა გიშლით ხელს?

— ეე, დალოცვილო, ისე ამბობ, თითქოს თქვენსავით



მდიდრები ვიყოთ. ვინ მიმიღებს სკოლაში, ან სატანკოში, როგორც მდიდრებს, მთელი ოჯახი შესანახად გამხდომია.

— განა მამა არა გყავს?

— არა.

— მაშ, მარტო შენ როგორ ინახავ ოჯახსა?

— ვაი იმ შენახვას! სიმშობისაგან კვერცხში ვწვივით. ეზამთარმა ხომ ილაჯი გა ვიწყვიტა. ი ყინვაში მთლად დედის შობილა ვიმყოფებოდით. მარტლაც კონკის ძველებით იყო აკრელებული. ფეხებზე ხომ ქაღმები მთლად შემოსცვეთოდა.

— საწყალი ბიჭი! — გაიფიქრეს ბავშვებმა, თან ქურდულად დაიხედეს თავიანთ სამოსზე, თითქოს სირცხვილი იგრძნეს, რომ ისე კობტად იყვნენ გამოწყობილნი. რამდენსამე წუთს შემდეგ, გამოემშვიდობნენ მწყემსებს და გაემართნენ სკოლისკენ.

აივანზე რომ მოექცნენ, ჩუმ-ჩუმად შევიდნენ კლასში, რომ მასწავლებელს რომელისამე მათგანისათვის ცალკე არ მოესწრო.

ზარიც დაირეკა და მასწავლებელი გაჯავრებული შევიდა კლასში.

მოწაფენი გაიტურნენ, აბუზულ წიწილებივით ჩაღუნეს თავი.

— არა, ერთი მიბძანეთ, ვაჟ-ბატონებო, სადა ბძანდებოდით?! — მიჰმართა მასწავლებელმა წყრომით, — აიცრუეთ, აიცრუეთ გული სწავლაზე განა? თქვენი საცოდავი მშობლები იჭირებენ ცხოვრებას, გგზავნიან სკოლაში, რომ რამე შეისწავლოთ, ცხოვრების ავ-კარგი გაიგოთ და თქვენ-კი ეუღლე-ბივით ღელე-ყურეს ედებით. არც-კი გრცხვენიათ! თქვენისთანა საძაგლებს სხვა არა გაასწორებს რა, ვიდრე სასწავლებლიდან პანღურს არ ამოგკრავენ.

ისედაც ფრთა-ჩამოშვებულნი მოწაფენი გაცბნენ, გაიღურსნენ, მასწავლებელი-კი განაგრძობდა გაკიცხვა-გაკილვას. ვერაფინა ჰბედავდა უსტარის გადაცემას.



ლიდის კოკმანის შემდეგ, ნიკომ შეასრულა ძნელი საქმე. მასწავლებელმა დაჰხედა თუ არა იასა, დააპირა დაეტატანებინა ახლა მისთვის, მაგრამ შეამჩნია მოკეცილი ქალაქი, აილო და დაიწყა კითხვა. მასწავლებელს თანდათან შუბლი გაეხსნა, გულის წყრომა დაუცხრა, ისედაც სანდომიან სახეზე ღიმილი შეუთამაშდა და მიჰმართა:

მართალია, ბავშვებო, მასწავლებლის დაუკითხავად, თანებად გაკვეთილის გამოტაკება დანაშაულია. მაგრამ მიპატიებია, ონავრებო, გულწრფელობისა ვის, მხოლოდ იმ პირობითკი, რომ შემდეგში აღარ გამეორდეს ამისთანები. აღუთქვა, თუ რიგიანად მოიქცევით და ისწავლით, დრო-გამოშვებით თვითონ მე წაგიყვანთ ხოლმე ქალაქ გარედ მდებარე მიდამოების დასათვალიერებლად. პირველ სეირნობის დროც დაუნინა.

— უჰ, შენი კირიმე, მასწავლებლო, შენი!—ერთხმად წამოიძახეს ყმაწვილებმა, რომელთაც სულ გადაავიწყა დანაშაული აღმზრდელის მოსიყვარულობამა.

— მართლა, — წამოიძახა ვასომ: — ღარიბ მწყემსს ხომ კიდევ ვნახავთ, როცა სასეირნოდ წავალთ, დედასა ვთხოვ ერთი ჩემი ხალათი გამატანოს იმისთვისა.

— მე ქედს წაუღებ!

— მე — ქამაჩს!

— მე წიგნსა!

— მე — პურსა!

გაისმოდა აქედ-იქიდან.

მასწავლებელი უყურებდა ცქრილა თვლებში და განუსაზღვრელ სიამოვნებას ეძლეოდა.

დ. თურდოსპირელი.





## მთის წყარო.



ოხტის  
წყარო

მაღალ მთის,  
თრთის  
სამყარო...

— ვიშ, ვიშ, ვიშ!!.

ის

ქალაქებს

ჩაუდის,

მირაკრავებს:

კის, კის, კის!!...

კდემა-მოსილს,

ნაზად შლილს,

ველის ყვაფილს

უტკობს ძილს.



ცრემლთა მარგალიტ მძივებს  
 ვერცხლებო მოაკამკამებს;  
 შესტრფის გიჟმაჟ მზის სხივებს,  
 ცხოველ ვნებით ციმციმებს.

ჭველთა რხევით,  
 სრიალით,  
 ცვართა ფრქვევით,  
 ციალით,  
 ხტის,  
 რბის

თავ-ქვე ტრიალით,  
 მღერის,  
 ეღერის

წკრიალით.

მიყვარს ეს ხმა

რაკრავის,

ქების შესხმა

მუსიკის...

მაშ, იხარეთ...

—კის, კის, კის!!

ინეტარეთ...


—ვიშ, ვიშ, ვიშ!!...

გ. ქუჩიშვილი.





## ზღვის სიფიღრა.




ად შოულობენ მარგალიტს, მარჯანს, სადაფს და ღრუბელს?

ვაგიგონიათ რამე აღბად საუცხოვო ბრჭყვიალა მარგალიტისა და მშვენიერ წითელ მარჯანისა, რომლითაც სხვა და სხვა ძვირფას სამკაულს ამზადებენ: მძივს,

ყელსაბამს, საყურეებს, ბალთებს და სხვ... შეიძლება ზოგიერთ თქვენგანს კიდევ ენახოს მარგალიტ-მარჯანი. თუ მარგალიტ-მარჯანი არ გინახავთ, სადაფის ნივთებს მაინც ნახავდით, აი, თუნდა სადაფის ფოლაქებს (ღიღებს). ფოლაქებს აკეთებენ უბრალო და იაფ-ფასიან სადაფისას, მაგრამ მაინც ეგ ფოლაქები





საკმაოდ ლამაზია და უფრო კარგის ხარისხის სადაფითა და მშენებელი სანახავია. სინათლეზე ელვარებს სხვა და სხვა ფრად: წითლად, ცისფრად, მწვანედ და სხვა. ასეთი სადაფისას აკეთებენ სხვა და სხვა ძვირფას ნივთს და მოსართველ სამკაულს.

სკოლაში ან სახლში ალბად გინახავთ ღრუბელიც. ის კი სრულიად ულაზათო, უწნო, დაჩვეტილი და დანაოჭებულია, მაგრამ სასარგებლო ნივთია.

ახლა ვიკითხოთ, სად პოულობენ მარგალიტს, სადაფს, მარჯანს და ღრუბელს?

სადა და ზღვაში.

დიდს სიმდიდრეს აძლევს ზღვა ადამიანს.

ადამიანები მრავლად სცხოვრობენ ზღვის ნაპირებად და სარჩო-საბადებელს იმითი შოულობენ, რომ ზღვაში თევზს იჭერენ, ჰხოცვენ ვეშაპებს, ზღვის ძაღლებს, იჭერენ და ჰყიდიან ლოკოკინებს, ზღვის კიბოებს, იღებენ ზღვიდან მარილს და სხვა და სხვა.—იგივე ზღვა აძლევს ადამიანს საუცხოვო მარგალიტს, წითელ მარჯანს, სადაფს და სასარგებლო ღრუბელს, რომელთაც ადამიანი ასე აფასებს და თავ-გამოდებით დაეძებს.

მაგრამ საიდან და როგორ ჩნდებიან ისინი ზღვაში და როგორ იღებენ იქიდან? აი ამასვე ვიბაასოთ ქვემოდ.

### რა არის მარგალიტი და სადაფი?

ბევრი სხვა და სხვა ცხოველია ზღვაში. არის იქ პატარა ცხოველები, ისეთი პატარა, რომ იმათი დანახვა შეიძლება მხოლოდ გამადიდებელ შუშით ანუ მიკროსკოპით. არიან ვეებერთელა ონავარი თევზებიც და საშინლად დიდი ვეშაპები, სიგრძით 17 საყნამდის. მაგრამ განსაკუთრებით ბევრია ზღვაში ისეთი ცხოველები, რომელთაც სხეული დაფარული აქვთ ზუქილით (ზოჭოთი). ალბად გინახავთ უბრალო მდინარის ან



ქართული  
ენის  
საქართველო


ზღვის ხამანწაკი. ამ ცხოველის ხამანწაკი ორ თითქმის სწორ ნაწილებსგან შესდგება და, სურვილისამებრ, ცხოველს შეუძლიან ისე მაგრად დახუროს ხამანწაკის ორივე ნახევარი, რომ იმის გახსნა გაგიჭირდებათ. გინახავთ ალბათ ლოკოკინაც თავის მიხვეულ-მოხვეულ ხოჯოთი. ლოკოკინა ჩვენში სხვა და სხვა ჯიშისაა: ზოგი წყალში სცხოვრობს, ზოგი კი ხმელეთზედ, ბალახებსა და ჩირგვებში. ლოკოკინას სხეული რბილი და ლორწოიანი აქვს, ამიტომ ასეთ ცხოველებს ეძახიან რბილ კანიან, ანუ ლორწოიან ცხოველებს.

ხოჯო—ეს მხოლოდ სახლია ლოკოკინასი და მასალას ამ სახლისთვის თვითონ თავის სხეულში ამზადებს. ეს ლორწოიანი ცხოველები იკეთებენ ასეთ სახლებს იმიტომ, რომ თავი დაიფარონ მტრებისაგან; გაიგებენ თუ არა მტრის მოახლოებას, ისე მაგრად ჩაიკეტებიან თავიანთ სახლებში, რომ შიში არაფრისა აქვთ. ასეთი რბილ-კანიანი ცხოველები, რომელთა სხეული დაფარულია ხოჯოთი, სცხოვრობენ ზღვაშიც და იქ იმათი რიცხვი გაცილებით მეტია; ამასთანვე ბევრგვარის სხვა და სხვა ჯიშისაცაა. ლოკოკინას ხოჯო თხელია და ადვილად გასატეხი. ზღვის ლორწოიან ცხოველებს კი ძალიან ხშირად ხოჯო მაგარი აქვთ, როგორც ფაიფური და თანაც ათასნაირის ფერისა. ხშირად იმათი ხოჯო მოხატულ-მოვარაყებულთა სხვა და სხვა ფერის ზოლებით და მოცულია გაშვერილ-გამოშვერილ ხორკლებით. სიდიდითაც განირჩევიან ზღვის ნიჟარები: არიან როგორც პატარა, ისე დიდებიც — სიგრძით არა ნაკლებ ორის არშინისა. აი, ერთ-ერთი ამ ლორწოიან ცხოველებში ამზადებს იმ მრგალიტს და სადაფს, რომელთაც ადამიანი ზღვაში პოულობს. ამ ცხოველს ეძახიან მარგალიტის ნიჟარას. მაგრამ როგორ შეუძლია ამ პატარა ცხოველს გააკეთოს ისეთი მშვენიერი სამკაული, როგორიც მარგალიტია? როგორ აკეთებს და სად შოულობს მასალას მარგალიტის მოსამზადებლად? რომ ყველაფერი გასაგები იყოს, ჯერ ვნახოთ, რა აგებულებისაა თვით მარგალიტის ნიჟარა.



ამისათვის შეგიძლიათ აიღოთ უბრალო ნიჟარა, იმიტომ რომ მარგალიტის ნიჟარასაც ასეთივე აგებულება აქვს.

გახსენით ნიჟარა და დაინახავთ, რომ შიგნით აკრავს ორი ნაფლეთი, სქელის ტყავის მზგავსი; ამ ტყავს ჰქვია მანტია (მაზარა). მანტიის ნაფლეთებს შუა ოთხი ლაყუჩი სძევს; ორ-ორი თითო მზარეს. ლაყუჩებით ნიჟარა სუნთქავს. სხეულის ბოლოზედ მოსჩანს გამოშვერილი სამკუთხედი და ერთად ერთი ფეხი ნიჟარასი. ამ ცხოველს შეუძლია გამოჰყოს გარედ თავისი ფეხი და ერთ ადგილიდან მეორეზედ გადასოცდეს; შეუძლია აგრედვე ფეხი სრულიად დამალოს. განცალკევებული თავი დათვალეზი ამ ცხოველს არა აქვს, მაგრამ აქვს სხეულის ბოლოზედ ფეხთან პირი; შიგ სხეულში-კი-კუჭი, გული და ნაწლავები.




სხეული მღწარის ნიჟარასი, ამოღებულია ნიჟარიდან, შუაზედ ფეხი (ზემოდ) და ორი წყვილი ლაყუჩებისა (ქვემოდ); მარჯვნივ და მარცხნივ გადაწეულია მანტიის ნაფლეთები.

როდესაც ცხოველი იზრდება, თან ეზრდება მანტია და ნიჟარაც, მაგრამ ნიჟარა დიდად განიზრჩევა თვით ცხოველის სხეულისაგან. თუ ცხოველი მოკვდა, სხეული დალპება, გაიზრწნება და გაქრება, ხოლო ნიჟარა რჩება უცვლელად. ეს იმიტომ, რომ ნიჟარა შესდგება არა ხორცისაგან, როგორც მთელი სხეული ამ პატარა ცხოველისა, არამედ კირისაგან. ნიჟარა კირის ხალთაა, რომელიც ცხოველის სხეულს გარედან აკრავს. როგორ იზრდება ეს კირის ხალთა? საქმე ის არის, რომ ეს ცხოველი თვითონ აკეთებს თავის ნიჟარას და, როცა იზრდება, თან და თან აფართოებს თავის სადგომსაც. ამ პატარა ცხოველს თავისავე სისხლში მოეპოვება კირი, რომელიც



თან და თანობით ჟონავს სხეულიდან და მანტიის გროვდება. ცხოველთან ერთად იზრდება მანტიაც და იმის გარშემო ნაყვანი კირი აღიდებს და აფართოებს თვით ნიჟარასაც.



მარგალიტის ნიჟარები. მარცხნივ, ქვემოლ, მოსჩანს ნიჟარა მარგალიტით.

ამ ნაირად, ნიჟარა კირის ნაყვანია, ისეთივე კირია, რომლისაგანაც შესდგება უბრალო კირის ქვა. რასაკვირველია, ვინახავთ ასეთი ქვა იმითი აკეთებენ კიბეებს, ქვა ფენილებს ქუჩებში და სხვა. ასეთისავე კირისგან შესდგება მარმარილოცა და ცარციც. ყველა ეს უბრალო ქვებია. ბევრგან ასეთი ქვების გორებია. მარგალიტის ნიჟარაც კირისაგან არის შეზავებული, მხოლოდ უფრო მაგარი და სქელია, ვიდრე უბრალო ნიჟარა.

შენიშნავდით, რომ უბრალო ნიჟარა ჩვენის მდინარეებისა — შავისა, ანუ მოშავო ზემოდან, ხოლო შიგნით თეთრია და

სინათლეზედ ცოტათი კიდევ ელვარებს სხვა და სხვა მარგალიტის ნიჟარაც გარედამ მოშავოა ან მომწვანო, ხორკლიანი და დანაოკებული, მაგრამ შიგნით კი სპეტაკია და სინათლეზედ მშვენივრად ელავს: ცის ფრად, წითლად და მწვანედ. აი, ეს ნიჟარას შიგნითა მოელვარე ნაწილი არის სადაფი. აქედან ცხადია, რომ უბრალო ნიჟარაც სადაფია, მაგრამ უბრალო ნიჟარაში სადაფი ცოტაა და ამიტომ ასეთი ნიჟარა ადვილად ტყდება; თანაც არც იმდენად ფერადოვანია; ამიტომ იმისას არც აკეთებენ სხვა და სხვა სამკაულს, მხოლოდ ზოგჯერ უფრო კარგის თვისების ნიჟარებს ხმარობენ ფოლაკებისათვის. მარგალიტის ნიჟარა გაცილებით დიდია უბრალო ნიჟარაზედ. რაც უნდა პატარა იყოს მარგალიტის ნიჟარა, მაინც 3—4 გოჯი იქნება სიგანით და უფრო დიდებს კი განი აქვს არა ნაკლებ 7 გოჯისა, სადაფი კი იმდენად სქელია მარგალიტის ნიჟარაში, რომ სხვა და სხვა დიდი და ლამაზი ნივთი გამოიჭრება ხოლმე.

ამ გვარად, სადაფიც კირისაგან შესდგება, ამ უბრალო იაფ ფასიან მასალისაგან, მაგრამ ამ მასალით პატარა ლორწოიან ცხოველს შეუძლია მოამზადოს მშვენიერი და ფერადოვანი სადაფი, ის სადაფი, რომლისათვისაც ადამიანები სიცოცხლეს არ ზოგავენ, ზღვის უფსკრულში ეშვებიან და იქიდან დიდის გაჭირვებით ამოაქვთ.


რად არის სადაფი ასე ლამაზი და რად განირჩევა ასე უბრალო საკირე ქვისაგან? ეს იმიტომ, რომ სადაფი შესდგება ძალიან თხელ კირის ზოდებისაგან, ფენებისაგან, რომელიც ერთმანეთზედ ისეა დალაგებული, როგორც წიგნში ფურცლები, მხოლოდ ძალიან მკიდროდ-კი. ძალიან თხელი ფენი კი სინათლეზედ ყოველთვის აფერადებულია. გინახავთ, რასაკვირველია, საპნის ბუშტები? ცისარტყელასავით აფერადებულია, მაგრამ საპონ-წყალს კი ასეთი ფერი არა აქვს. საპნის ბუშტი იმიტომ არის ისე ლამაზი და ფერადოვანი, რომ ძალიან თხელი კანი აქვს და მზის სინათლე აფერადებს, აელ-

ვარებს ცისარტყელასავით. წყალზედ რომ ცოტა ნავთობიანი ნაწილია, წყლის ზედა პირიც აფერადდება, ნავთი თავის თავად უფერულია, მაგრამ წყალზედ ეკვრის ძალიან თხლად და მაშინ სინათლეზედ ცისარტყელასავით ელვარებს. ზოგჯერ შეხედებით, რომ წყალს მდინარეში ან გუბეში მოტივტივებული აქვს აფერადებული თხელადი, ეს მაშინ, როდესაც წყალზედ გაკრულია რაიმე თხელადი, მაგალითად, ზეთი, ნავთი ან მაზუთი და სხვა.

6. წყალზედა

(შემდეგა იქნება).





# ცეცხლი-ნავთის ქარხანაში.

(სურათი ბაქოს მუშების ცხაფრებისა)

(სომხურით).



აიქეცით!.. გაიქეცით!.. თავი მოარიდეთ...  
კედელი იქცევა,—უცებ ერთხმად დაიგ-  
რიალა ბრბომ, მორევით იწყო დღევა  
და ერთმანეთის კყლეტით უფრო უკან  
დაიწია.

მოისმა ყრუ ქექის ხმა, რომელიც ას  
ზარბაზანის სროლის ხმას უფრო ჰგვანდა.  
ერთ წუთში ყოველივე დაბნელდა და გა-  
ჰქრა წყვდიადში. ალი, კვამლი, ცეცხ-  
ლი, მური და დაქცეულ კედლის მიწა—  
მტვერი ერთმანეთში აირია და დამალა

მქრობელი მუშები.



— ვაი, თავი!.. ვაი, წელი!.. თუ ღმერთი გწამდა, მინებდა  
 ლეთ... ვკვდები.— მოისმოდა ჯოჯოხეთივით ჩამობნელებულ  
 წყვდიადში.

— ფეხები დამემტვრა... ვაი! ვაი!.. ოჰ, დავიხრჩე, ღმერ-  
 თო... მიშველეთ, აქედან გამიყვანეთ, ველარასა ვხედავ,—  
 ყვიროდნენ ახლა სხვა მხრიდან.

— ხელი... ხელი... ვაი... ვაი... ვაი... არ მომეკაროთ ხე-  
 ლი მეწვის... უჰ... უჰ...

ბრბოს დაავიწყდა სიცილი და ხუმრობა: ყველას სახეზე  
 იხატებოდა უიმედობა და სასოწარკვეთილება... „სად არიან  
 პირველ რიგის მქრობელი მუშები?“ ისმოდა მხოლოდ ხმა  
 ხვეწნისა, კვნესისა, ძახილი შეველისა... მაგრამ ვინ გაარჩევდა,  
 სად ვის უჭირდა და რა უჭირდა?!

ნამდვილი ჯოჯოხეთი დატრიალდა.

ივან გრიგორიძის რისხვა და აღშფოთება განუსაზღვრელ  
 ელდათ შეცვლილიყო, ერთ წუთს წინად იმის გააფთრებული  
 სახე ახლა ჰხატავდა შინაგან შიშსა და თრთოლას. გაუხდრე-  
 ველ ძეგლივით ერთ ალაგას გაშეშებულიყო და არ იცოდა,  
 რა ექნა: უნდოდა წინ გაქცეულიყო, მაგრამ ვერ მოახერხა,  
 რადგანაც შეუძლებელი იყო. კვამლი და მტვერი, არეული  
 მურითა, ფერფლითა და ცეცხლის ალით, ამართულიყო მის  
 წინ ერთ განუქვრეტელ წყვდიადივით, თითქო საბედის-წერო,  
 შავ-ბნელი რამ ზღუდეთა.

უცებ ყოველივე გამოირკვა და მის თვალ-წინ გადაიშალა  
 საზარელი სანახაობა. აქეთ-იქით ეყარა ექვსი მუშის გვაში.  
 რამდენიმე კიდევ ლანდებივით დარბოდნენ, ერთი ხომ დიდ,  
 ანთებულ კვარსა ჰგავდა და შეშლილივით მიმოჰქროდა ძახი-  
 ლით:

— მიშველეთ... სომეხო ქრისტიანებო... მიშველეთ, შე-  
 მობრალეთ... ტანი მეწვის... ჩქარა... ჩქარა, მიწა დამაყარეთ...  
 წყალი... წყალი... წყალი... უჰ!.. უჰ!.. ღმერთო, ვიწვი...

ეს კვარისვით ანთებული ერთი მოხუცი კაცი იყო. მის





ნავთიან ძონძებს წაჰკიდებოდა ცეცხლი და ჰხარშავდა ლად ცოცხალს ადამიანს, როგორც შუა-საუკუნეთა ინკვიზიციის ერთ-ერთს უბედურ მსხვერპლს.

ივან გრიგორიჩმა თვალი მოაბრიადა ამ საზარელ სურათს. იმის სათუთ ნერვებს არ შეეძლო აეტანა ამისთანა საშინელი სურათი. ბრბოში ბევრმა გული გაიმაგრა, გაიქცნენ და, ვინც უფრო ღონიერი იყო, წააქციეს ანთებული მოხუცი და მერე დაუწყეს აქეთ იქიდან მიწის დაყრა. ცოცხალი მკვდარივით დამარხეს საბრალო ერთად ერთი საშუალება ეს იყო მის ანთებულ ძონძების გასაქრობად.

— დაიწვი, მოვიხარშე... უჰ!.. უჰ!.. გმინავდა ყრუ ხმით საცოდავი მოხუცი მიწის ქვეშიდან. მისი სახე ისე დამახინჯებულიყო, რომ დამსწრეთაგან ბევრი ელღით და ზიზღით თვალებზედ ხელებს იფარავდა, არ დავინახოვო.

— უჰ. . ღმერთო, ჩქარა ამომართვი სული. . დამიხსენ ამ ტანჯვისაგან, ნუ მაწვალებ, — განაგრძობდა მოხუცი და ფრთხილობდა მიწის ქვეშ, — მაგრამ ჩემი შვილი... სად არის ჩემი ვაჟი-შვილი?... ცოლი... ვაჟები, ქალები... წყალი... უჰ, გული...

უკანასკნელ სიტყვების დროს, მოხუცის ხმა თანდა თან იცვლებოდა და სუსტდებოდა.

— აქა ვარ, აქ... — დაიძახა 18—20 წლის ქაბუკმა, მარცხენა ხელით მარჯვენა ეკირა, რომელზედაც დამწვარი ტყავი გადაჰყვლეფოდა და წითელი ხორცი გამოსჩენოდა. — ოჰ, გული მეწვის... უჰ... თუ ღმერთი გწამთ, მკლავს არ მოეკაროთ... მეწვის, მეთუთქება

— მოშორდი, საბრალოვ, ნუ მიხვალ მაშასთან, შენ რომ დაგინახავს, მწუხარებისაგან მოკვდება, დაიძახეს ხალხიდან.

— ბეიბუთ... ბეიბუთ... მოდი, აქა ვარ... მოდი ჩემთან, ვკვდები... ოჰ, ოჰ... პირი მიწრება, — დაიძახა მოხუცმა და ცდილობდა ფეხზე დამდგარიყო.

რამდენსამე წუთის განმავლობაში მამა და შვილი ვერ



სცნობდნენ ერთმანეთს. მოხუცს თეთრი წვერი ალანძობდა და სახეზე მიჰკვროდა.

— ვაიმე, ეგ რა მოგვსლია, მამილო, — უთხრა შვილმა და შეშლილივით დაეცა მოფართხალე მოხუცს მუხლებზე.

ერთის წუთით მოხუცს დაავიწყდა თავის დამწვარ სხეულის ტკივილი და ორივე ხელით შვილს ყელზე მოეხვია.

ვიდრე მამა-შვილი ტირილით, გადახეულნი უწყაფებოდნენ სატკივრის ნაღველს, რამდენსამე ნაბიჯს სიშორეზე იმათგან სხვა სანახაობა გადაიშალა.

თითქო ჯოჯოხეთის ხმებიო, ისმოდა გულ-საკლავი მწუხარე კვნესა ექვს ზედი-ზედ დაყრილ მუშებისა. იმათი გმინვა არ ჰგავდა ადამიანის ხმებს, არამედ ყელ-გამოჰკრილ პირ-უტყვთა უკანასკნელ ბლავილს და იმედ გადაწყვეტილ ღმუილს. ცოტა ხნის განმავლობაში ორმა უკვე სული განუტევა. სახე სრულიად დამახინჯებოდათ, თმების და წარბების კვალიც კი აღარ ემჩნეოდათ. რამდენიმე მუშა ცდილობდა იმათი გვამები ერთ მხარეზე მიეწიათ.

გვამებთან რამდენსამე ნაბიჯის დაშორებით ერთი ახალგაზრდა მუშა მიწაზე იჯდა, ხელებს მიწაში ურევდა და იძახოდა:•

— ხელები... უჰ... უჰ... დამეწვა... მომეხარშა... უფალო, ღმერთო... მაგრამ არა... ის დაიწვა, მოკვდა... ვერ დავიხსენი... ბიძა-ჩემი...

ანთებულ თვალთაგან ცრემლები სცვიოდა, ხელები თვალეებზე მიიდვა. დაისველა გადაყვლეფილი თითების წვერი. თითქოს უნდოდა მწარე ცრემლებით გული გაეგრილებინა.

— ოჰ, ყოვლის შემძლებოლო უფალო, იმის დიდებულო წინასწარმეტყველო მაჰმადო, ხომ ხედავთ თქვენის წმინდა თვალეებით, საშინელის ტანჯვით გაბარებთ სულის, ლაჰ... ლაჰ, ილაღლაჰ, მაჰმად რასულ ალლაჰ...•

ესენი სპარსელი მუშები იყვნენ. ერთს თავი თითქმის შუ-



აზე გახეთქოდა და სულსა ჰლევედა, ორს კი ფეხები დაშვრია ვები დამტვრეოდა.

ბრბო ისე არეგ-დარეულიყო, რომ ცეცხლს ყურადღებას არავინ აქცევდა და იგი ამ დროს ცოტ-ცოტათი ნელდებოდა. ივან გრიგორიჩი ყვიროდა:

— თუ ღმერთი გწამთ... ცეცხლი, ცეცხლი... ნუ დაივიწყებთ... დამწვრებს მერეც მოვავროვებთ, მაგრამ ქარხანა, ჩემი ქარხანა ხელიდან მეცლება: დაიწვა, გათავდა, სახლი დამექცა, დავიღუპე, თუ ღმერთი გწამთ, შემობრალეთ!

მაგრამ ივან გრიგორიჩის ყვირილს ყურადღებას ცოტანი აქცევდნენ: მუშაობდნენ იმისი მომიჯნავე ქარხნის პატრონების მუშები, რომლებსაც პატრონები ძალას ატანდნენ, თავი არ დაანებოთ, ვიდრე ალი არ ჩაქრებაო, ეშინოდათ, ცეცხლი ჩვენს ქარხანას არ მოედვასო.

— არ შეგვიძლიან ამ უბედურების უპატრონოდ და უმწეოდ მიტოვება და ცეცხლის ქრობა, — ყვიროდნენ ხალხში. — ერთ წუთში ამდენი ხალხი დაიღუპა, დაე, დაიღუპოს შენი ქარხანაც და შენც...

— დიად, დიად, შენა ხარ ამათი დაწვის მიზეზი: შენი წყეული ნავთის ქვაბები და ფეჩი, დროზე რომ გაგეკეთებინა, რაც საჭირო იყო, ეს უბედურება არ მოგვივიოდა არც შენ და არც ამ საბრალოებს.

გამვე, რომელიც ივან გრიგორიჩს აჩრდილივით უკან დასდევდა, მიუახლოვდა და უთხრა:

— ივან გრიგორიჩ, გირჩევთ მოერიდოთ ამ ავაზაკებს, ვინ იცის, რას ჩაიდენენ, ჩვენის მუშების ამხანაგები არიან, ახლა მხეცებად არიან გადაქცეულნი და, ღმერთმა იცის, რა მოუვათ ფიქრად.

მაგრამ ივან გრიგორიჩი არაფრად აგდებდა არც ბრბოს მუქარას და არც თავის გამგეს რჩევას. იმისი კკუა და ახრი მხოლოდ ცეცხლისკენ იყო მიპყრობილი და შიშით კანკალებდა, საცაა ცეცხლი ნავთით სავსე საწყობს მიატანს და იქ კი



ნავთით სავსე ათასი ბოქვა იყო. მაგრამ ეს შიში უსაფრთხო იყო. ცეცხლი ისეთი ძრიელი აღარ იყო, როგორც ამ ათის წუთის წინ. თითქოს ჯავრი უკვე ამოიყარა და ახლა უნდა დაისვენოსო.

ქარი ჩავარდნილიყო. ცეცხლის გაშმაგებული აქეთ-იქით აღარ ეღებოდა, წყნარად და სწორე სვეტად აღიოდა ზევით, აშუქებდა ხალხს, რომელიც საბრალო დამწვრების გარშემო ტრიალებდა და დახმარებას უწევდა.

ამ დროს უკვე ხალხს სირობით მოუახლოვდა ერთი მალალის ტანის კაცი. სახეზე სასოწარკვეთილება და განუსაზღვრელი შიში ემჩნეოდა. მუხლი ეკეცებოდა და სასიარულოდ ძლივს ემორჩილებოდა.

ეს ჩვენი ნაცნობი მუშა იყო

— გამიშვით... გამიშვით, ვნახო სად არიან... სად არიან: ჩემი შვილი... ჩემი ძმა... ღმერთო ჩემო... სად არიან... სად?..

ხალხმა გზა მისცა და მუშა სიჩქარით შევიდა ხალხში.

— სადა ხართ, სად? ხმა ამოიღეთ... სარგის... გასპარ... ოჰ, ეს ბებიუთია, ჩემი ძმისწული?!

— დიად! მე არა მიშავსრა, მაგრამ, საბრალო მამა-ჩემი, მოხუცი... მოკვდა... სანამ სული არ ამოუვიდა, თავის ოჯახს იგონებდა... უკანასკნელი იმის სიტყვა შენი სახელი იყო... „ნეტავი ჩემი ძმის მოსვლამდინ ვიცოცხლოო“, ამბობდა.

— სად არის, მიჩვენე იმისი გვამი? ან სად არის ჩემი ვაჟი, სად არის სარგისა?..

— თუ ღმერთი გვამს, არ მომეკარო, ჩემი ხელი იწვის... იკრუნჩხება... არ მოეკარო ჩემ ხელებს... უჰ.

ერთ წუთს მეჭრაბა გაქვავებული იდგა, უცრემლო, გამშრალი თვალები როგორღაც მანქანასავით მისჩერებოდნენ ხან ძმას, ხან შვილს, გასპარას დამწვარ-დაკრუნჩხულ ხელებს, ხან თავის ძმისწულ ბებიუთის ტყავ-გადაყვლეფილ მკლავს. მრისხანე ხალხის ყურადღება კი იმისკენ იყო მიპყრობილი.



მეჭრაბას არა ჩვეულებრივი მდგომარეობა, იმის რის ფერი სახე, მაღალი და ვიწრო ტანი, მარმარილოს ქანდაკებას ემსგავსებოდა და ამ გაუნძრეველ მსგავსებას მხოლოდ ცეცხლივით ანთებული თვალები არღვევდა. სამ მახვილს ერთ დროს გაეგმირა იმისი გული. ძმის სიკვდილი კი გულის სიღრმემდის ჩასწდომოდა და სისხლი თავში ავარდნოდა.

უცებ ორივე ხელი თავში შემოიკრა და ქალარა თმებს იგლეჯდა. ხალხში ბევრს თვალთავან ცრემლი გადმოსკდა.

— ვაიმე!.. ახლა რა პასუხი წაუღო შენს ოჯახს?.. რა უნდა უთხრა შენს მეუღლეს?

ივან გრიგორიჩმა ეს ყვირილი როცა გაიგო, ერთ წუთში ხალხს მიუახლოვდა.

აქ რას ღრიალებ, შე სულელი?.. ყვირილის დროა?.. ქარხანა ხელიდან მეცლება, შენ კი აქ ყროყინებ? გაიქეცი, იქ უშველე.

მეჭრაბას არაფერი არა ესმოდა რა. ის დამხობილი იყო თავის ძმის გვამზე და ბლაოდა. ბრბო გაცეცხლდა ივან გრიგორიჩის უაღაგო ბრძანების გაგონებაზე.

— იმის ძმა დამწვარა, ნაცრად ქცეულა, შვილს ხელები დასწვია და დაკრუნჩხია, შენ კი ეხლა მაგ უბედურს შველას სახოვ? უწყალოვ, უღმერთოვ! ამ უბედურობაში მყოფს როგორ შეუძლია უშველოს შენს წყეულ ქარხანას, — დაიყვირეს ხალხში რამოდენმამე.

— სულ ერთია, ყვირილი არაფერს უშველის.

მეჭრაბამ როგორღაც უაზროდ ასწია თავი. მწარე ტანჯვის დალი დასდებოდა იმის შუბლს, თვალები სულიერ ტანჯვისაგან უბრწყინავდა. სახეზე შემოლილის სიშმაგე ეხატებოდა. სიმწარით ცოფიან და იმედ დაკარგულ ლომს ემგზავსებოდა, რომელიც მტერზე დასაცემად ემზადება.

ერთ წუთს გაუნძრევლად დარჩა. ივან გრიგორიჩი განრისხებულ და საშიშარ სახით გამტყრებული უყურებდა.

უცებ მეჭრაბა ელვის სისწრაფით წამოხტა.



— ჰო... მართალს ამბობს ბატონი, უნდა იმისი გარკვევა  
 ბა ავასრულო, უნდა უშველო, მე მოვალე ვარ ვიმუშაო. —  
 თავმა დაამძიმა და მისი ბრგე ტანი მეხ დაცემულსავით უსუ-  
 ლოდ დაეცა ივან გრიგორიჩის ფეხთ წინაშე, თავის ძმის გა-  
 შავებულ გვამზე.

— ჩემი ქარხანა... თუ ღმერთი გწამთ მიშველეთ, ოჯა-  
 ხი დამექცა, დავიდუპე.

უ. კ.





# სოკოზელ

(უფროს აშხნავის ნამბობა)

სოკო იცის და სოკოზედ სიარული კი ჩემთვის აღდგომაა. მაგრამ იქნება არც-კი იცი, რა სასიამოვნო და დამატკობელია სოკოს ძებნა! მაშ, ყური დამიგდე.

წარმოიდგინე თიბათვის ნაზი დილა, როდესაც ცვარი მარგალიტის თვალეზით დაჰფენია არე-მარესა. მსუბუქი სიო ახლად გაღვიძებულ ბუნებას ცელქად ეთამაშება. დღის მნათობი ის ის არის მთის იქიდგან მალლა ისვრის სხივებსა და ცის კიდურს თვალწარმტაცად აფერადებს. მთებს და მალალ სერებს საამო ოქროს ფერი დასცემს. ბარში ქალებს ჯერ კიდევ ნისლი გადაჰფენია: ალაგ-ალაგ არეკილა და ბამბის ქულასავით ნაგლეჯ-ნაგლეჯ ცურვით მიდის მთის მწვერვალისაკენ, ალის ფრად იღებება. ფრინველები მხიარულად ნისკარტს იწმენდავენ და გაჯიბრებით იწყებენ დილის სიმღერასა. შენ ახლად ამდგარი, თვალეზ კარგად მოუფუნეტელი, ხშირად პირ-დაუბანელი, მკლავზე კალათ წამოცმული სერზე შეფენილ ტყისკენ მიემურები და მადიანად შეექცევი ცივ ქალის ნატეხ-





სა. შეხვედი ტყეში და თამამად გასწიე დაცდილ-დასწავლილადგილებისაკენ, სადაც ჩვეულებრივ სოკომ იცის ამოსვლა. ტყის ყვავილთა სურნელებით და დილის მსუბუქ ჰაერით დამტკბარი მკერდი თავისუფლად მოძრაობს. თვალები გაფაციცებით ეძებენ სოკოსა. აი, აგერ კიდევაც მოსჩანს ნაზი რუხი მტრედო, ნეშოებიდგან ახლად თავ წამოყოფილი და გაკოკბილი: მის გვერდით ამაყად წამომდგარა წითელ-ქრელი კატამჯღავანა, ახლებთან ერთად გვარიანად მობებრებულიც. მაგრამ იმას ხელს არავენ ახლებს—ყველამ იცის, რომ თავის სილამაზით სიმწარეს ჰფარავს და საწამლაია. აი, აგერ. იელს ქვეშ დაძმურად ხელი-ხელს გადახვეული და შეგჯუფული მკაძო, რომელიც მძებნელს იწვევს: მოდი, ამიყვანე და, თუნდა შეუწვავად მიმიბრთვი, მაინც გამოსადეგი ვარო. იქით კიდევ მორცხვად გამომზირალი ღვინის ფერი კეკლუცი ხახვილო. აგერ მიხვეულ-მოხვეული, ბერების საყვარელი მანკკვალა და სხვა მრავალი, მაგრამ შენ მაინც უკმაყოფილო ხარ. ამ დილას ჯერ კიდევ არ გინახავს ის, რაც უფრო გენატრება: ნიყვი—ეს სოკოთა მეფე და ბატონი. განაგრძობ ძებნას და წინ გვერდებ-გადახნექილი, ფერწასული არყა და მიქლიო გხვდება. მაგრამ ფრთხილად! არყა ძლიერ მწარეა და იმაზედ მონაკიდები ხელი, შემთხვევით თუ თვალში ამოისვი ან პირში ჩაიდე, ბარე ორ ცრემლს გადმოგავდებინებს. მათ ახლო წამოყუდებულა კარგად მოზრდილი, მსუქანი, ღრუბელივით დაჩვრეტილი და მისივე ფერი დედაბერა სოკო. ეს ხომ კარგი ნიშანია! მაშ, ახლა ნიყვიც ახლოა სადმე. დედაბერას ხელში იღებ და ეხვეწები: დედაბერა, სოკო მანახვინე, დედაბერა, სოკო მანახვინე\*). ეს სოკო ხომ მარტო ამისთვის არის გამოსადეგი! კარგა ხნის ძებნის შემდეგ, იელის და შქერის ბუჩქებს იქით, ცოტა მოტიტვლებულ ალაგს შენ თვალი

\*) ზემა იმერეთში სწამთ, თუ ამ სოკოს შეკვებო. ნიყვს (წითელ სოკოს) მადე ჰნახავთ.

მოჰკარი რაღაც წითელ საგანსა და გულმა სიხარულით დაგიწყო ფანჯალი: აი თუ მივალწიე საწადელსაო! შენც თამამად აბიჯებ ბუჩქებში, არ უშინდები შარვლის დაგლეჯას და კანკების დაკაწვრას და თვალის დახამხამებაზედ იმ წითელ საგანთანა ხარ! და, ჰოი, სიხარულო, იგი მართლაც ნიყვი არის! აგერ ზოგი იმათგანი მედიდურად წამომართულა კიდევაც, მხრები ფართედ გადაუშლია, მიხაკის ფერი გული გამოუჩენია და ალერსით დაჰყურებს თავის საბძანებელს და თანამოძმეებსა, რომლებიც წარსულ ღამეს ცვარით გაპოხიერებულ მიწაზედ ის ის არის ბუდიდგან გამომძვრალან და თავის უფრო მეზობელს და ძიას მოწიწებით სალამს აძლევენ. ზოგს იმათ შორის ჯერ მხოლოდ წითელი კოკორახი უჩანს, ზოგს მთელი თავი და ზოგსაც — თავთან ერთად ტანი ან ტარიც და ძირში-კი შერჩენია მხოლოდ თეთრი ბუდე, რომელსაც ახლა ათასნაირი ქია-ლუა დასევია და საუზმედ მიირთმევს, შენ ხარბად სწვდები ამ უმანკო არსებათ, შეუბრალებლად ჰგლეჯ კოკობ ნიყვს და ალაგებ კალათში, რომელიც უკვე პირამდე მოიპირა და ხელსაც გვარიანად გიმძიმებს. აგერ კიდევ სრული კმაყოფილება იგრძენი და გინდა ახლა ძებნას თავი მიანებო, მაგრამ ამ დროს ტყეში სოკოს მძებნელთა ხმაურობა შემოგესმა და ახლა შური გებადება... არ გინდა იმათაც ისარგებლონ ბუნების ამ საჩუქრით და გაფაციცებით იწყებ კიდევ ძებნასა... ბოლოს დატვირთული და ძალზედაც მოქანცული, შინისკენ იბრუნებ პირს და არად იმჩნევ არც დაღალვას და არც ფეხების დაკაწვრას, რადგან ნაშოვარით დამძიმებული კალათი მიგაქვს და გული საგულესა გაქვს.

არა, მეტად მშვენიერი, მეტად მიმზიდველია ზაფხულის მინაზებულ დილას სოკოზე სიარული და ამიტომაც ეგრე გაგიყვებით მიყვარს სოფელი, ტყე, სოკოს ძებნა, ზაფხული და ზაფხულის არდადეგებიცა, რომელსაც ასე მოუთმენლად მოველი!...

ხუცის შვილი.



# ორი მხატვარი.

თ ა ვ ი I.



ამდენსამე ვერსზე ბერნიდან—შვეიცარიაში—ერთი ვიწრო კორდია გადაკიმული. ამ კორდის განაპირას ერთი პატარა, ღარიბული ქოხი იდგა, რომელიც მოხუცებულს ღარიბ მინდსა და მის ბაღლებს ეკუთვნოდა.

იმ დღეს, საიდანაც ჩვენი მოთხრობა იწყება, მინდი ჩვეულებრივ შინ არ იყო. მისი ორი უმცროსი შვილი, ნიკლასი და კატო, ქოხის კარებთან იდგნენ და რაღაცას გულმოდგინედ ლაპარაკობდნენ; უფროსი, თორმეტის წლის გოტფრიდი, ანუ ფრიდლი, როგორც შინაობაში ეძახდნენ, —ზურგშექცევით იჯდა მათთან და დიდ ქვაზე ცარცის ნატეხით რაღასაც ხაზავდა, ამავე დროს ხან წინა ჰხრიდა თავს და ხან უკან: მისი უაზრო შესახედობა და ულაზათო თვალტანადობა პირდაპირ გეუბნებოდა, რომ ფრიდლი ცოტა მოსულელო, ანუ ლენჩიაო.

ბავშვები თავ-თავის საქმეში იყვნენ გართულნი და ვერც



კი შეამჩნიეს, რომ ერთი ყმაწვილი კაცი მიუახლოვდა. ტანისამოსით მხატვარს ჰგავდა, — მხატვრებს შეეცარიაში ხშირად შეხვდებით.

— გამარჯობა, ბავშვებო! როგორა ხართ? მიესალმა მიახლოვებისას და ფეხს აუჩქარა, რომ წინ წაესწრო გზის მაჩვენებლისათვის.

ნიკლასმა და კატომ გაკვირვებით მაშტერეს უცნობს ნათელი თვალები და მოწიწებით თავი დაუკრეს. ფრიდლიმ კი მხოლოდ ერთი შეხედა მოლაპარაკეს და ისევ ხაზვას მიჰყო ხელი.

— შენი სახელი, ბალო? — ჰკითხა მხატვარმა და ღიმილით დაიხარა ფრიდლისკენ.

— ფრიდლი, — როგორღაც ყრუდ წაიდუღუნა ბავშვმა და ზანტად მოტრიალდა უცნობისკენ.

— რამდენის წლისა ხარ? — განაგრძობდა უცნობი.

— არ ვიცი, — კიდევ წაიდუღუნა ფრიდლიმ, ცოტა ფიქრის შემდეგ.

რას აკეთებ მაგას? — ეკითხებოდა მხატვარი ვერნე.

— სურათებს ვხატავ, — მიუგო ბავშვმა, წინანდელზე ბევრად უფრო ცოცხლად და მხიარულის ღიმილით გაუბრწყინდა მთელი სახე.

ბატონი ვერნე ახლა კი უფრო ყურადღებით ჩაუკვირდა სხვა და სხვა სურათს, რომლებიც ქვაზედ იყო დახატული, და, როგორც მხატვარმა, ამ საქმის მკოდნემ, ერთბაშად შეამჩნია ხაზების სისწორე და ხელის სიმარჯვე, რაც ძლიერ იმეფიათა.

ეჰ, როგორ მენანება, — გაიფიქრა თავისთვის, — რომ არ შემიძლია ამ ქვის წაღება, რათა ზედ დახატული სურათები ჩემ მოწაფეებს ვაჩვენო, განსაკუთრებით იმათ, ვინც ხატვას სწავლობენ, ნიჭი კი სრულიად არა აქვთ და დროს ტყუილად ჰკარგავენ.

— შენ რაღა გქვია? — მიუბრუნდა მეორე ბავშვს, რომე-



ლიც მის მოსვლის წინად დას ელაპარაკებოდა და ხელს მისი ცუდი  
 ცის ნატეხი და ნახშირი ეჭირა.

— მე მქვია ნიკლასი, — გაბედვით მიუგო ბავშვმა.

— როგორცა სჩანს; შენცა ჰხატავ, არა? — გავებუმრა ყმა-  
 წვილი კაცი და თვალებით ანიშნა ცარცი და ნახშირი, მა-  
 გრამ ნიკლასმა ამაზედ არა უპასუხარა და მხოლოდ ჩემად  
 თავი ძირს დახარა.

— როგორ არა, ესეცა ჰხატავს! — ჩაერია რვა წლის და  
 კატო, მხოლოდ ეს თავის ნახატებს არავის აჩვენებს ხოლმე.

— არ შეგიძლიან ეგ ნახატები მაჩვენო? — ჰკითხა ვერნემ.

— აი, იქ ფიცარზეა დახატული, — განაგრძობდა პატარა  
 ქალი და თითოთ დარაბაზედ უჩვენებდა, სადაც, ეს-ეს იყო,  
 ნიკლასი ჩამოჯდა.

ყმაწვილმა კაცმა კიდევ გაუმეორა ბავშვს თავისი თხოვ-  
 ნა. ახლა კი ბივში, როგორც იყო, ზოზინით წამოდგა ზე-  
 ზედ და ფიცრის გადაბრუნების ნება მისცა. ვერნემ დაინახა  
 ფიცარზედ ერთი სურათი სოფლის ცხოვრებისა და ძლიერ  
 გაოცდა. დახატული იყო ქონი თავის მიდამოთი. სინათლე  
 და ჩრდილი ცარცითა და ნახშირით ისე ლამაზად იყო შე-  
 წყობილი და ერთმანეთთან შეხამებული, რომ სურათი საზო-  
 გადოდ მოსაწონი იყო და ამტკიცებდა, რომ ბავშვს უეჭვე-  
 ლად ხატვის ნიჭი ჰქონდა.

— ბიქოს, კარგი ხატვა გკოდნია, ჩემო კარგო! — აღერ-  
 სით უთხრა ვერნემ ბავშვს, რომელიც კიდევ თავჩალუნული  
 იდგა. — როგორცა სჩანს, აქ ყველა მხატვრები ყოფილხარათ! —  
 დაუმატა ვერნემ და თან თვალი გადაავლო თავის პატარა  
 მოსაუბრეთ; შემდეგ კი ქალიშვილს შეეკითხა, შენც ხომ არ  
 ხატავო.

— არა, მე არაფრის ხატვა არ ვიცი, — გულწრფელად მი-  
 უგო თვალყუყუნა კატომ: მამა ამათაც ხშირად სცემს, კედ-  
 ლებს ნუ ჯღაბნითო; — ახლა რაკი მამა შინ არ არის, იმიტომ



ხატავენ ასე თავისუფლად,—დაუმატა მან ცოტა სიჩუმენ მემდევ.

— როგორ, განა ქალღმერთი, ან ასპიდის დაფა არა გაქვთ, კედლებზე რომ ჰხატავთ?—ცნობის მოყვარეობით ჰკითხა მხატვარმა.

— კიდევ ვგ არის, რომ არაფერი არ გაგვაჩნია, მოწყენით მიუგო ნიკლასმა და თან ცოტათი უფრო გაბედვით დაუწყა მზერა უცნობს.

— თუ მართლა ასეა, აი, ბაღლებო, ამ ფულით ქალღმერთი და კარანდაშები იყიდეთ,—სთქვა ვერნემ. ამოიღო ჯიბიდან ვერცხლის ფულები და ბავშვებს მისცა. შენ კი, ჩემო კატო, შენთვის, რაც გინდა, ის იყიდე,—განაგრძობდა მხატვარი და თან აწვდიდა ისეთ ფულს, როგორც კატოს ძმებმა მიიღეს.

ნიკლასს და კატოს, რომელთაც ასეთი ფული თავის დღეში ხელში არ სჭერიათ, პირველად ძლიერ გაუკვირდათ კეთილ მხატვრის ასეთი გულუხვობა, შემდეგ კი მხურვალე მადლობა გადაუხადეს. თითქმის მოსულელო ფრიდლისაც კი, რომელსაც ფულის მნიშვნელობა არ გაეგებოდა, ძლიერ გაუხარდა, ხელში რომ მრგვალი ვერცხლის ფული დაინახა.

— გმადლობ, გმადლობ! ჩურჩულებდა ბავშვი და თან მხატვრის ხელს მოწიწებით თავის ლოყაზედ იცაცუნებდა.

— არა ღირს, მეგობარო, არა ღირს!—მიუგო გულ-აჩვილებულმა ვერნემ;—განაგრძე ხატვა, მხოლოდ კარგად კი ხატე და ნახატებიც შეინახე. როგორმე კიდევ შემოვივლი თქვენკენ, რომ თქვენი ნამუშევარი ვნახო.

— კეთილო კაცო, კეთილო კაცო!—ჩურჩულებდა ამ დროს ფრიდლი და მხატვრის ხელს ხელიდან არ უშვებდა, თან დრო-გამოშვებით უკოცნიდა;—მამა ისეთი კეთილი არ არის, როგორც შენ! არა, ის შენსავით კეთილი არ არის.

— მამა გაჯავრებს განა, ფრიდლი?—თანაგრძნობით ჰკითხა მხატვარმა.

— დიად, სულ მცემს! აი, აქ... აქ მუდამ მტკიცე სიტყვებით საბრალომ ხელი გადაისვა ცემისაგან დასახიჩრებულ თავზე.

— და ყველა ეს სრული სიმართლეა, მოწყალეო ხელმწიფევ, — ჩაერთა აქ მხატვრის მხლებელი, რომელიც ამდენ ხანს გაჩუმებული იდგა: — მას აქეთ, რაც ცოლი დაასაფლავა, ამათი მამა მეტს არას აკეთებს, მხოლოდ ტყე-ტყე დახეტილობს სანადიროდ, ნანადირევში აღებულ ფულით მუდამ ლოთობს; ამ საცოდავებს კი სრულიად ყურადღებას არ აქცევს და მთელის დღეობით მშვირები ღვთის ანაბარადა ჰყრიან ეს საბრალოები.

— თქვენცა გცემთ? — ჰკითხა ვერნემ ნიკლასსა და კატოს.

— ჩვენცა გვცემს; ყველასა სცემს, როდესაც გაჯავრებულია, მაგრამ საწყალ ფრიდლის ჩვენზე მეტი ხვდება წილად.

— ამიტომ არ ვაბეზღებთ და ვმალავთ ხოლმე ფრიდლის, — მოწყენით წარმოსთქვა კატომ.

— სადა ჰმალავთ? — ჰკითხა ვერნემ და გულმხურვალე თანაგრძობობით გადაჰხედა ბავშვებს.

— ჰატარა ფარდულში ვმალავთ, სადაც წინად ჩვენს თხას ვამწყვდევდით, განაგრძობდა კატო: — იქ ისე ბნელა, ისე რომ ვერაფერს ჰხედავს და ფრიდლის ვერ ამჩნევს. აი, ეს რამდენიმე დღეა, ფრიდლიც იქ ათევს ღამეს.

ეტყობოდა, კატო ძლიერ კმაყოფილი იყო მით, რომ ფრიდლის დასამალავი ადგილი ჰქონდა.

მხატვარმა მოისმინა ბავშვის ლაპარაკი და მწუხარედ გააქნია თავი; შემდეგ რამდენიმე სიტყვა უთხრა გზის მიჩვენებელს, უბის წიგნაკში ბავშვების ვინაობა ჩაიწერა და მოწყენილი გამოეთხოვა თავის ახალ ნაცნობებს; ამასთანავე დაჰპირდა, უსათუოდ გინახულებთ, როგორც კი შემთხვევა ნებას მომცემსო.

— კეთილო კაცო! მშვიდობით, კეთილო კაცო! — გასძა-



ზოდა ფრიდლი მიმავალ მხატვარს და დიდხანს თვალებს აშორებდა იმ ბილიკს, რომლითაც მიდიოდა ბატონი ვერნე.

როდესაც ეს მოულოდნელი კეთილი სტუმარი გააცი-  
 ლეს, ნიკლასი და კატო დიდხანს ლაპარაკობდნენ იმის შესა-  
 ხებზე, თუ რა აჯობებდა, რომ ეყიდნათ ნაჩუქარ ფულით. ფრიდ-  
 ლიმ კი, რომელმაც ფულის დანიშნულება არ იცოდა, წყნა-  
 რად ჩაიდო ფული ჯიბეში და ისევ ხატვა განაგრძო ქვაზე.

— იცი, რას გეტყვი, — გადასწყვიტა ბოლოს კატომ: —  
 ჯერ ჩემი ფულიც შენ ფულთან შეინახე და, როდესაც მამა  
 სადმე წავა, მაშინ გაიქეცი ბაზარში და შენთვის და ფრიდლი-  
 სათვის ქალაღი და კარანდაშები იყიდე, როგორც იმ კეთილ-  
 მა ბატონმა გითხრა; მე კი ასპიდის დაფა მიყიდე, ხომ იცი,  
 აი, ისეთი, სკოლაში მოსიარულე გოგოებს რომ აქვთ. როცა  
 იქნება, ვთხოვ მოხუც ანასს, რომ ანბანი დამიწეროს დაფაზე  
 და მერე ჩემით ვისწავლი; შენ და ფრიდლიმ კი სურათები  
 ჰხატეთ და ჰყიდეთ. აი, კარგი თუ გინდა, ეგ იქნება, აი!

— ხა, ხა, ხა! — გაღიხარხარა ნიკლასმა, — განა ჩვენს სუ-  
 რათს იყიდის ვინმე? ჩვენ ხომ ჯერ კიდევ ძლიერ ცუდად ვხა-  
 ტავთ! არა, კატო, ჩემის ფიქრით, უკეთესი იქნება, ასე მო-  
 ვიქცეთ, — განაგრძობდა ბავშვი: — დაფასა და ქალაღში კი ნუ  
 დავხარჯავთ, რაც ფული გვაქვს, ნახევარი დავხარჯოთ; დანა-  
 რჩენ ფულით კი შემდეგში პური ვიყიდოთ. ცოტ-ცოტა, რომ  
 მთელ დღეობით მშვირები არ ვეყაროთ, როდესაც მამა გა-  
 ჯავრებული მოდის შინ და არას გვაქმევს. მგონია, ასე ემჯო-  
 ბინება.

— მაშ, კარგი, აგრე მოვიქცეთ, — დაეთანხმა კატო: — მა-  
 შინ შეგვეძლება ცოტა პური ფრიდლისაც შეუნახოთ, თორემ  
 ის ხომ ხშირად მშვიერი ზის ფარდულში. გული მიკვ-  
 დება ხოლმე, ეს რომ კენესის და ტირის შიმშილითა, ჩვენ  
 კი მისაცემი არ ფერი გვაქვს. ხშირად ჩვენ ხომ ერთი ლუკმა  
 პურიც არ გავაჩნია, — მოწყენით დაუმატა ქალმა. უკა-  
 ნასკენელ სიტყვების თქმაც ვერ მოასწრო, რომ შორიდან





რალაც ხმა მოისმა—ვილაც მღეროდა მხიარულად. გაიგონეს, ბავშვებმა მაშინვე ხმა გაკმიდეს, თათქის ფრიდლიმაც იქით მიიხედა, საიდანაც ხმა მოდიოდა.

— ეს მამაა, — წა ჩურჩულა ნიკლასმა, რომელიც სიმღერას ყურს უგდებდა.

— მე ვიცნობ მის ხმას და ვატყობ, მამა კადევ გულმოსულია. აი, ახლა დაადგება ფრიდლს ცუდი დღე!

— მაშ, უნდა დაემალათ როგორმე! — სთქვა მოხერხებულმა კატომ და უფროს ძმასთან მივიდა.

— ფრიდლი, ფრიდლი, მამა მოდის! — წარმოსთქვა სიჩქარით.

— შენი ქირიმე, მალე დაიმ ლე ფარდულში და იქ იჯექ ჩუმად.

— კი, კი, ჩემო ფრიდლი, ფარდულში დაიმაღე, — ურჩია თავის მხრივ ნიკლასმაც, რომელიც ძმას მიუახლოვდა: — ცოტა ხანს იჯექ იქა და, თუ მამა ძალიან გაჯავრებული არ იქნება, მაშინვე მოვალ და შეგატყობინებ.

ეს რომ მოისმინა და მოისაზრა, რაშიაც იყო საქმე, საწყალი ფრიდლი საჩქაროდ გაექანა კარგად ნაცნობ ფარდულისკენ და ძლივს მოასწრო ერთს ბნელ კუთხეში მიმაღვა, — რომ გამოჩნდა მოხუცი მინდი.

— შეხედე ნიკლას, როგორ ბარბაცობს მამა! ეტყობა, დღესაც დამთვრალა, — წასჩურჩულა ძმას შეშინებულმა კატომ:

— მგონი, ჩვენც რომ დავიმალოთ, უკეთესი იქნება.

— არა, კატო! ჩვენი დამალვა არ ივარგებს, — მიუგო ნიკლასმა, რომელიც ცაბცახებდა შიშით, თითქოს გააცივავო: მამა უფრო გაჯავრდება, სახლში რომ არავინ დაუხვდება; ჩვენ მაინც მოგვენახავს და მაშინ უფრო მეტსა გვცემს. უკეთესია, აქ დავრჩეთ და წყნარად ვიჯდეთ; მაშინ, იქნება, ყველაფერმა კარგად ჩაიაროს.

ბავშვები ამ უკანასკნელ აზრს დაადგინენ; შემდეგ გადა-



ჰხვიეს ერთმანეთს ხელები და წავიდნენ მამის მისაგებებლად, მინდი ნელის ნაბიჯით უახლოვდებოდა სახლსა.

მინდა იყო მალალი, ჯანსალი, ასე—ორმოც-და-ათის წლის ვაჟკაცი; სახე ჰქონდა წითური, დაბორდოხებული, თმა ნახევრად ქალარა; თვალები უსიამოვნოდ გამომეტყველი, რაც მის სასარგებლოდ არას ამბობდა. ტანზე ჭუჭყიანი ტანისამოსი მთლად შემოჰფლეთოდა, გაცვეთილი, გახუნებული ქუდი კი ძლივს იყო დამაგრებული კეფაზე. მიახლოვებ-სათან ვე ნიკლასმა და კატომ მოწიწებით სალამი მისცეს მამას, მაგრამ მოხუცმა არავითარი ყურადღება არ მიაქცა და ხმის ამოუღებლივ შევიდა ქოხში. ბავშვებიც თან შეჰყვნენ.

— ჰო, რაო რომ შემოცვივდით? უთუოდ კიდევ მშვიგრები ხართ, არა? თქვე უსაქმურებო, თქვენა!—დაიწყო ჯავრობა მინდში.

— დიად, მამიკო! ჩვენ ხომ დილას აქეთ არაფერი გვიქამია!—ჩუმად მიუგო ნიკლასმა.

— ჰო, მაგრე, მაგრე! თქვენ მუდამ მშვიგრები ხართ! წაიბურთხუნა მოხუცმა:—მხოლოდ ქამაზე გაქვთ თვალები დაქუეტილი; იმას კი არ ფიქრობთ, მამამ საიდან იშოვნოს პური. უკეთესი იქნება, დაწვეთ და დაიძინოთ, — განაგრძობდა მინდი ხელების ქნევით:—სულ ერთია, დღეს მაინც არაფერს გაქმევთ, და „ვისაც სძინავს, ის-კი შიმშილს ვერა გრძნობს,“ ამბობს ანდაზა.

ბავშვებმა მოწყენით გადაჰხედეს ერთმანეთს!

— კიდევ კარგი, თავი რომ მხრებზე შემოჩა, — დაუმატა მინდმა გაჯავრებით.

— რა იყო? უსადურება ხომ არაფერი შეგმთხვევია, მამილო?—თითქმის ერთხმად ჰკითხეს შეშინებულმა ბავშვებმა.

— ეგ თქვენი საქმე არ არის!—გაწყვეტინა მამამ:—მაგრამ იმ ბებერს ვერაგ მეტყევს კი მოვაგონებ ამას, თუ კაცი ვარ! ერთი ბეწოთი რომ უკეთ ესროლა, თქვენი მტერია, მისი ტყვია მე დღეს თავს გამიპობდა! მაგრამ ეს ფრიდლი

სადღაა?—უცხად იკითხა და გარშემო მიიხედ-მოიხედა და ვინცაღეს  
 დროს თავისი რკინის წვეტიანი ჯოხი კუთხეში მიაგდო.

—უნდა გავიგო, სადაა ფრიდლი?—ყვიროდა მინდი, რა-  
 კი დაინახა, ბავშვები ხმას არ იღებდნენ:—მთელი დღე იმასთან  
 იყავით და უნდა იცოდეთ, სად დაიკარგა ის საძაგელი. მე  
 თქვენ გეუბნებით, ახლავ აქ მომგვარეთ, თორემ...

მოხუცმა ხელი წამოაგლო თავის გრძელ ჯოხს; შეშინე-  
 ბული ბავშვები ყვირილით და ტირილით გარედ გამოვარდნენ  
 და, რამდენსამე წამს შემდეგ, ფრიდლიანად უკანვე დაბრუნ-  
 დნენ.

საწყალი ფრიდლი ახლა როგორღაც მოკრუნჩხულიყო  
 და შიშითა ცახცახებდა. ქოხში რომ შევიდა, უნდოდა შეუ-  
 მჩნევლად მიპალულიყო ბნელ კუთხეში, მაგრამ ამ დროს,  
 მისდა საუბედუროდ, ჯიბიდან მხატვრის ნაჩუქარი ფული ამო-  
 უვარდა და წკრიალით გაგორდა იატაკზე.

—ეგ რა არი? ვინ მოგცა ფული?—იყვირა მინდმა და  
 ბავშვს მიუახლოვდა.

—კეთილმა ბატონმა, კეთილმა ბატონმა!—წაილოლილულა  
 პასუხად შეშინებულმა ფრიდლიმ.

—ვინ კეთილი ბატონი?—კიდევ იყვირა მოხუცმა და  
 თან იატაკიდან ფული აიღო.—ეს თქვენ, ნიკლას და კატო,  
 თქვენ უნდა იცოდეთ, საიდან იშოვნა ამან ფული?

—ვიღაც უცნობმა კაცმა აჩუქა,—ძალაუნებურად წარ-  
 მოსთქვეს ბავშვებმა.

—მაშ, იმ ბატონმა უთუოდ თქვენც მოგცათ რამე, თქვე  
 არ დასაცალეებლემო! ხმას-კი არ იღებთ!—განაგრძობდა გულ-  
 მოსული მინდი.

—დიად, მამილო, ჩვენც მოგვცა თითო ვერცხლის ფუ-  
 ლი,—მიუგო ნიკლასმა ცოტა ხნის სიჩუმის შემდეგ.

—მაშ, რაღას გაჩუმებულხართ? ახლავ აქ მოიტანეთ ეგ  
 ფულები!—დაიყვირა მოხუცმა ისეთის ხმით, თითქოს ბავშვებს  
 რაღაც უშველებელი დანაშაული ჩაედინათ.

ამ ყვირილზე ბავშვებმა დაუყოვნებლივ ამოიღეს ჯიბეებიდან თავისი ფულები და მამას გადასცეს.

— ოჰო! მაშ, ჩემი მოტყუილება გნებავდათ, განა? — ყვიროდა ამასობაში მოხუცი: — ფიქრობდით, არ გეჩვენებინათ ეს ფულები? თქვე არ დასაცალეებლეთ, თქვენა!

— არა, მამიკო! მხოლოდ ქალაქის ყიდვა გვინდოდა ამ ფულებით, წაილულულა ნიკლასმა თავის გასამართლებლად.

— აი, თქვე საძაგლებო! — თქვენ ქალაქი უნდა იყიდოთ იმ დროს, როდესაც მამა თქვენს ერთი კაპეიკი არ გააჩნია? — გაჯავრდა მოხუცი მინდი: — მაკალეთ, მე თქვენ გაჩვენებთ, როგორ უნდა ხარჯოთ ფულები ჩემს დაუკითხავად!

— სთქვა და დაუწყო ცემა ბავშვებს; ცემის დროს ყველაზე მეტი, რასაკვირველია, სუსტსა და ზოზინა ფრიდლის მოხვდა.

რამდენსამე წამს შემდეგ, მოხუცმა გაათავა ბავშვების განსამართლება; შემდეგ თავზე ქული ჩამოიფხატა, ერთხელ კიდევ მილანძღა შეშინებული და დაბეგვილი ბავშვები და გასწია სამიკიტნოსკენ.

მამა რომ წავიდა, საწყალმა ბავშვებმა ერთ კუთხეში მოიყარეს თავი, ტიროდნენ და ხელს ისვამდნენ ნაცემ ადგილებზედ. ამასთან კატო და ნიკლასი ძლიერ სწუხდნენ, რომ ახლა ქალაქსა და ასპიდის დაფას ველარაფრით იყიდდნენ, მაგრამ ამ დროს ფიქრადაც არ მოსვლიათ გასჯავრებოდნენ ფრიდლის, რომელსაც თავის უხერხულობით ფული ამოუვარდა ჯიბიდან და ამგვარად შეიქნა მათის მწუხარების მიზეზი.

ამასობაში დაღამდა კიდევ. ბავშვებმა ცოტ-ცოტათი თვალებზე კრემლები შეიშრეს და ძლიერ შიმშილსა ჰგრძნობდნენ, მაგრამ კარგად იცოდნენ, რომ მთელ სახლში ერთი პუდრი არ მოიძეებოდა.

კატო მინც წავიდა საქმლის საქმბრად; გადაჩხრიკა ყვე-

ლა კუთხე და ბოლოს იპოვა რამდენიმე მონარშული ტივი  
 კარტოფილი, რომელიც რაღაც სასწაულის ძალით გუშინდელ  
 სადილს გადარჩენოდა. კატომ ეს კარტოფილი თანასწორად  
 გაჰყო თავიანთ შორის. ამ მცირე ვახშამს შემდეგ, საწყლებმა  
 ილოცეს ღმერთი და დაწვეწენ თავის გახრეკილ ლოგინში.

(შემდეგი იქნება).





## ლოთი.

(იგავი).



რომა კაცმა ნელ-ნელა ღვინის სმას მი-  
ჰყო ხელი და ბოლოს ახირებულ ლო-  
თად გადაიქცა. დაივიწყა ვარჯა, შრო-  
მა, საქმიანობა; სრულიად მიატოვა ცოლ-  
შვილზედ ზრუნვა და მუდამ გამობრუ

ჟული დადოდა.

გამწარებულმა და თვალ-ცრემლიანმა ცოლმა მისს მეგო-  
ბრებს მიჰპართა და შეევედრა:

— ღვთის გულისთვის, მოწყალება მოიდეთ, შემობრა-  
ლეთ, ჩემ ქმარს უთხარით რამე, ჩააგონეთ; იქნება, თქვენის  
შვილების დღეგრძელობით, თქვენმა დარიგებამ გასქრას, კაცი  
გონს მოვიდეს და ხასიათი გაისწოროს.

მეგობრებმა ლოთი დაიბარეს და უთხრეს:

— კაცო, რა დაგემართა, რა გაგიხდა ეგ შენი მუცელი,  
რით ვერ ასრულდი ღვინის სმით. იკმარე, ცოლ-შვილი შეი-  
ბრალე; შენის ქცევის წყალობით, ლამის მათ სულელები ამო-  
ხდეთ.

— რა ვქნა, — მიუგო ლოთმა, — არც მე ვარ კმაყოფილი  
ჩემის თავისა; ვერაფერი გამიგია: ვსვამ, ვსვამ, ვსვამ — მაინც  
სულ მინდა და მინდა. იქნება, ერთხელ ძღონმა რომ მეგემოვ-  
ნა, სმაზედ ხელის აღებასაც შევიძლებდიო.

ბევრი იფიქრეს, ბევრი ითათბირეს მეგობრებმა და ბოლოს გადასწყვიტეს: აუხადონ ამ უბედურს ღვინით სავსე დიდი ქვევრი და მისცენ ნება იმღენი სვას, ვიდრე მობეზრდებოდეს; როცა ერთხელ უღიერად გაძღება, ვნახოთ, მაშინ რას იზავსო.

ლოთი სავსე ქვევრის პირას წამოწვა, ღვინოს დაეწათა; მაგრამ როცა სმით გული იჯერა და ფეხზედ წამოდგომა დააპირა, ის შენს მტერს, რა დღეც იმას დაადგა: სიმთვრალისაგან თავი ველარ შეიმაგრა, წაბარბაცდა, სავსე ქვევრში თავდა-ყირა ყლაპანი მოსძვრა და, ვიდრე მიეშველებოდნენ, კიდევ დაიხრჩო.

ალ. მირიანაშვილი.





# ქ ი მ ი ა.

ნახშირი.



**ცენარეულ ნივთიერებათა შენადგენი.** ვინ არ იცის, რომ შემოდრე დაიწვება, ნახშირად იქცევა. მენახშირეები, ნახშირის დასაწვავად აწყობენ შემას მიწაში და

ისე სწვავენ. ხისგან ჰქმნიან ნახშირს, მაშასადამე, მცენარე შეიცავს ნახშირს. ნახშირი მცენარის ყოველ ნაწილშია, ხის გულში, ფურცლებში და ყვავილებში. ხის ყველა ეს ნაწილი შესდგება ნახშირის, ჟანგმბადის და წყალმბადის შეერთებისაგან. გაგაკვირვათ ჩემმა სიტყვებმა: „როგორ, მშვენიერი, თეთრი ყვავილი, შესდგება ქუქყიან, შავ ნახშირისგან!“. დიაღ, სწორედ ეგრეა. ხომ იცით, როგორ იცვლება ნივთიერება, სხვა ნივთიერებასთან შეერთებით? რთულ, მცენარეულ ნივთიერებაში, სხვათა შორის, ერთ შემადგენელ ნაწილს წარმოადგენს მარტივი ნივთიერება, რომელსაც ქიმიკოსებმა ნახშირმბადი უწოდეს. ეს ნივთიერება ცალკე რომ ავიდოთ, უბრალო შავ ნახშირსა ჰგავს. ნახშირმბადი, ჟანგმბადი და წყალმბადი შეადგენენ თითქმის ყველა რთულ და სხვა და სხვა მცენარეულ ნივთიერებას. მოითმინეთ ცოტა: აი, შაქრის ნა-



ტეხი. ეს ნივთიერება მცენარეულ ჩამომავლობისაა. შაქრის ლერწამისაგანა და ქარხლისაგან ჰქმნიან. შაქრის ნატებს დავდებ რკინის კოვზზედ და ცეცხლზე გავახურებ, ისე კი რომ არ აინთოს, არ მოეკიდოს ცეცხლი. რამდენსამე წუთის შემდეგ, შაქრისგან დაგვრჩება შავი ნახშირი. თუ ამ ცდის დროს, შაქრის ზემოდ დავიჭერ ცივ მათლაფას, მათლაფაზე შეგროვდება წყალი, რომელიც შაქარში მყოფ ჟანგმბადისა და წყალმბადისგან შესდგება. სწორედ ასეთივე ცდა შეიძლება ვაწარმოვოთ სახამებლით, ალუბლის ხის წებოთი, სამარხვო ზეთით და სხვა ბევრი მცენარეული ჩამომავლობის ნივთიერებით ჰხედავთ, რამდენი რთული ნივთიერება ბუნებაში შესდგება სამ მარტივ ნივთიერების შეერთებით!

### პირუტყვულ ჩამომავლობის ნივთიერებათა შენადგენი.

ნახშირმბადი აგრედვე პირუტყვის ყოველ ნაწილში არის. ესრედ წოდებული, პირუტყვული ნახშირი, რომელსაც შაქრის დასაწმენდად ხმარობენ, მიღებულია თავ-დაცულ ქურქელში ძვლების დაწვით, პირუტყვის ქონი, ძროხის ერბო და სხვა ქონი შესდგება ნახშირმბადისა, წყალმბადისა და ჟანგმბადისაგან. პირუტყვის სხეულის სხვა ყველა ნაწილი ამავე გაზებისაგან შესდგება, მაგრამ ამათ გარდა, აზოტიც არის. ნახშირმბადი, წყალმბადი, ჟანგმბადი და აზოტი ეკუთვნის მარტივ ნივთიერებათა რიცხვს. ეს გაზები შეადგენს ყველა იმ რთულ ნივთიერებას, რომელთაგანაც შესდგება პირუტყვათა სხეული და მცენარეთა ნაწილები. ეს ნივთიერებანი ძალიან განსხვავდებიან ერთმანეთში გარეგნობით და იწოდებიან ორგანოვან ნივთიერებათ, რადგანაც მათ ჰპოვებენ პირუტყვების და მცენარეების სხვა და სხვა ორგანოებში.

**ნახშირმბადი სხვა და სხვა სახით.**—გინახავთ ნახშირმბადი, ხის ნახშირის სახით. არის კი ეს ნივთიერება სხვა სახით? აბა, მიპასუხე, სიკო!

— რკინის გზაზედ ქვა-ნახშირს და ცეცხლით დაწმენდილ ქვა-ნახშირს სწვავენ. მე მგონია, ესენიც ნახშირმბადი არიან.



— არა, სცდებო. ქვის ნახშირი და ცეცხლით დაწმენ-  
დილი ქვის ნახშირი (კოკსი) ერთია თუ არა? არ იცი, ანდრო?

— რასაკვირველია ერთი არ არის. ქვის ნახშირი ბრწყინავს და თითქოს ქონი უსვია, ისეთ შთაბეჭდილებას იღებთ ხელის მიკარებაზე. ცეცხლით დაწმენდილი ქვის ნახშირი კი მშრალია და არცა ბრწყინავს.

— მართალია, გარეგნობით მაგითი განსხვავდებიან. შინაგანი, არსებითი განსხვავება არის მათ შორის? აბა, ანდრო, გეკოდინება. ხომ ხშირად დადიოდი გაზების ქარხანაში?

— ვიცი. ცეცხლით დაწმენდილი ქვის ნახშირი ქვის ნახშირის მონარჩენია. როდესაც ამ უკანასკნელს მთლად გაზს მოაშორებენ, მაშინ მიიღებენ უგაზოთ დარჩენილ ნახშირს, ანუ ცეცხლით დაწმენდილ ქვა-ნახშირს.

— მაშ, ჰხედავთ რაშია საქმე! როდესაც ქვა-ნახშირს ახურებენ, მისგან გამოდის მნათობი გაზი და განა მარტო ეს გაზი, ბევრი სხვა ნივთიერებაც გაზთან ერთად შორდება ნახშირს. სწორედ განსაცვიფრებელია, რას არ იძენენ ქვა-ნახშირისგან: საუცხოვო საღებავს, სურნელოვან წყალს, ასობით სხვა და სხვა სასარგებლო ნივთიერებას, მათ შორის არის ისეთიც, რომელსაც ტკბილეულობასაც კი ურევენ: მაშ, ქვის ნახშირი არ არის წმინდა ნახშირმბადი, ცეცხლით დაწმენდილი ქვის ნახშირი კი თითქმის უახლოვდება მას. ნახშირმბადი სხვა სახითაც არის, მაგ., გრაფიტი, რომლისგანაც ყარანდაშებს აკეთებენ, მაგრამ ყველაზე გასაკვირველი ის არის, რომ აღმასი, ეს მშვენიერი, ბრწყინავი ქვა, წმინდა ნახშირმბადია. გახსოვთ, წინადაც გითხარით ამბავი ამ ლამაზ, ძვირფას ქვისა, რომელსაც შუშის საქრელად და ათასგვარ სამკაულად ხმარობენ და აბა, იფიქრეთ, ისიც იმავე ნივთიერებისგან შესდგება, რომლისგანაც შესდგება უბრალო, შავი ნახშირი, თქვენ მგონი არ გჯერათ ჩემი ნათქვამი და გასურთ დასამტკიცებელი საბუთები, წარმოადგენა, ინებეთ, რამდენიც გინდათ.



**რა წარმოსდგება ნახშირმბადის დაწვისაგან.**— გიცლიათ როდისმე ალმასის გახურება ცეცხლზე? ალმასი ამოიბურცება და გადიქცევა შავ საგნად, რომელიც ძალიან ჰგავს ცეცხლით დაწმენდილ ქვის ნახშირს. მაგრამ, რასაკვირველია, მხოლოდ გარეგანი მიმზგავსება საკმარი საბუთი არ არის იმ აზრის დასამტკიცებლად, რომ ალმასი და ნახშირმბადი ერთი და იგივე ნივთიერებაა. აი, ნახშირის ნაქერი, ჩავაგლოთ ცეცხლში. ნახშირი წითლდება, ღვივდება და ბოლოს ნელ-ნელა ჰქრება. ახლა ნახშირისგან ცოტაოდენი ფერფლი-და დარჩა. ფერფლი უბრალო ანარეცია. არავითარი ერთობა იმასა და ნახშირმბადის შორის არ არის; ნახშირმბადი დაიწვა, გაჰქრა, მაგრამ თქვენ ხომ იცით ბუნების კანონი, არაფერი არ იკარგება სამუდამოდ. ნახშირმბადი არ გაჰქრა სრულიად, არ მოიხსო. მაშ, რა მოუვიდა? დაიწვა. და ეს კი ჰნიშნავს, რომ ის შეუერთდა ჰაერის ჟანგმბადს, რა წარმოსდგა ამ შეერთებისაგან, როგორ ფიქრობ სოსო?

— მე მგონი—გაზი, რადგანაც სხვა არავითარი ნივთიერება არა სჩანს, გაზი ბუხარში ავიდა.

— მართალია, — გაზი, მაგრამ რა გაზი, არ იცი?

— ან ნახშირბადის გაზი უნდა იყვეს, ან ნახშირბადური, ამ ორში ერთი.

— ყოჩაღ, ბიკო! ორთავე იქნება, ეს იმაზეა დამოკიდებული, თუ როგორ მიმდინარეობს წვა, ჩქარა, თუ ნელა. როდესაც ნახშირი ჩქარა იწვის, მაშინ ჩნდება ნახშირული სიმკავე (მასვე უწოდებენ ნახშირიან მკავე გაზს). მაშინ კი, როდესაც ნახშირი ნელა იწვის, ბეუტავს, ის, რასაც შენ ნახშირბადის გაზი უწოდებ, ქიმიკოსები მაგ გაზს, ნახშირბადის ჟანგს ეძახიან. კვლავ აგისხნით როგორ ნივთიერებას ჰქვიან ჟანგი. თუმცა სახელი, ესთქვით „ნახშირბადის ჟანგი“ ისედაც ადვილი გასაგებია. ეს სახელი გვეუბნება, რომ ნახშირბადი შეერთებულია ჟანგმბადთან. ნახშირულ სიმკავეში ჟანგმბადი ორჯერ მეტია, ვიდრე ჟანგში. ამ სიმკავეში, ნახშირბადის სამ



ნაწილზე, ჟანგმბადის რვა ნაწილი მოდის. ჟანგში კი, ნახშირ-  
მბადის სამი ნაწილი შეერთებულია ჟანგმბადის ოთხ ნაწილ-  
თან. ბუხარში, ნახშირის დაწვის შემდეგ, ჩნდება ნახშირმბა-  
დის ჟანგის და ნახშირულ სიმჟავის ანარევი. რაც უფრო მე-  
ტი ჰაერი იზიდება ბუხარში, იმდენად მეტად ღვივდება. ნახ-  
შირი, იმდენად ჩქარა უერთდება ჟანგბადს. ამიტომაც, იმ-  
დენად მეტი ნახშირული სიმჟავე ჩნდება და ნაკლები ნახშირ-  
მბადის ჟანგი. აი, კარგი ხერხი, რომლითაც გაიგება, შეი-  
ცავს ესა თუ ის ნივთიერება ნახშირმბადს თუ არა. დასწვით  
ცეცხლში დაწმენდილ ქვის ნახშირი, გრაფიტი, ალმასი... მი-  
იღებთ ნახშირულ სიმჟავეს, ან ნახშირმბადის ჟანგს, ან ამ ორ  
გაზს ერთად. ამ გაზების რაოდენობა წვის ძალაზეა დამოკიდე-  
ბული. ალმასისა და გრაფიტის დაწვის შემდეგ, ნაცარიც კი  
აღარ დარჩება, სულ მთლად ნახშირულ სიმჟავედ და ნახშირ-  
მბადის ჟანგად გადიქცევა. აი, ეს დაამტკიცებს, რომ ეს ორი  
ნივთიერება ნახშირმბადისაგან შესდგება. ნახშირული სიმჟავე  
და ნახშირმბადის ჟანგი ჩნდება ლუმელში, სანათში, სანთლის  
აღში. მოდი ცოტა დრო ამ გაზების შესწავლას მოვანდომოთ.

**ნახშირმბადის ჟანგი.** ეს ჟანგი არის გაზი უფრო და  
უსუნო. ეს თვისებანი დიდ უბედურებას გვაყენებს, რადგანაც  
შეუძმჩნევლად თვალისთვის, სწამლავს ადამიანის ორგანიზმს;  
საკმარისია, ჰაერში ამ გაზისა შერეული იყვეს ერთი მეათა-  
სედი ნაწილი, რომ ადამიანი მოიწამლოს და მოკვდეს. ერთი  
მეათასედი ნაწილი ნახშირმბადის ჟანგისა საშინელ თავის ტკი-  
ვილს უტეხავს ადამიანს.

**ნახშირული სიმჟავე.** ნახშირმბადის ჟანგი, წყალმბადი-  
ვით, მნთებარე გაზია. თუ ცეცხლს მივცემთ, თავისთავად და-  
იწვის. ამ წვის დროს რა ჩნდება, ნიკო?

— ნახშირული სიმჟავე.

— მართალია, და ამასთან ნახშირმბადის ჟანგის წვის დროს  
კიდევ იღებს ჰაერიდგან ჟანგმბადს. ნახშირმბადის ჟანგი ან-  
თია ლამაზ, ცისფერ ალით, აი ისეთით, ბუხარში ნაკვერჩხალს



რომ ადგია. დაიხსომეთ, სანამ ბუხარში, ან ლუმელში კიდევ არის ეს ცისფერი ალი. ბუხარი არასგზით არ უნდა დახუროთ, რადგანაც ცისფერი ალი, ჰნიშნავს იმას, რომ ბუხარში ჯერ კიდევ ჩნდება ნახშირმზადის ქანგი. თუ ბუხარს უდროვოდ დახურავთ, ქანგი მოგროვდება ოთახში და ნახშირის სუნიით მოიწამლეობინ ოთახში მყოფნი. უნდა სულ დაიფერფლოს ნაკვერჩხალი და მხოლოდ მაშინ დაჰხუროთ ბუხარი. მაშ, ესე: ნახშიროვანი სიმქავე ბუხარში ორის გზით ჩნდება, ან პირდაპირ მაშინ, როდესაც ნახშირი ერთბაშად იღებს ჰაერადგან ქანგმზადს, ან არა და მაშინ, როდესაც ბუხარში ჯერ ნახშირმზადის ქანგი ჩნდება; ქანგი იწვის და ამ პროცესის დროს კიდევ იღებს ჰაერადგან ქანგმზადს და ამ რიგად აჩენს ნახშიროვან სიმქავეს, ანუ ნახშირმქავეს. ბუხარი როცა ანთია, ორივე მოვლენა ხდება. ნახშირმქავე უფერო გაზი, იმის თქმაკი, რომ უსუნო და უგემო იყოს, შეცდომა იქნება. ნახშირმქავე ისეთი საშიში და მავნებელი არ არის, როგორც ნახშირმზადის ქანგი. მხოლოდ მაშინ არის მავნე, როდესაც ჰაერის ას ნაწილზე მისი ოცი ნაწილი მოდის. მაგრამ მაინცა და მაინც ნახშირმქავე სახუმრო საქმე არ გახლავთ. და აი რა მიზეზით: ჯერ პირველად, სისალისათვის სასარგებლო არ არის იმ ოთახში ყოფნა, სადაც ჰაერის ას ნაწილზე მოდის ამ გაზის ოთხი ან ხუთი ნაწილი. მაგრამ მარტო ეს არ არის ნახშირმქავეს მავნებლობა. თუ რომ ოთახში არის ნახშირმქავე, ეტყობა ყოფილა მისი გამჩენელი მიზეზი, თორემ ამა თუ იმ ქიმიკოსის სურვილით არ დაიბადებოდა ოთახში. ნახშირმქავეს გაჩენაში უეჭველად დამნაშავეა ქანგმზადი. ნახშირმქავეს ერთი ბოთლი რომ შევაგროვოთ, უნდა მის შედგენისათვის ერთი იმოდენავე ბოთლი ქანგმზადი დავხარჯოთ; მაშასადამე, თუ რომ ოთახში, ჰაერის ას ნაწილზე, ნახშირმქავეს ათი ნაწილი მოდის, იმავე დროს ჰაერს ქანგმზადის ათი ნაწილი აკლია. ამ უკანასკნელის 21 მეასედი ნაწილის ბაღლად, ჰაერში იქნება მხოლოდ 11 მეასედი ნაწილი. ვინც ამ ჰაერით ისუნთქავს,



ორ ნაირ ხედათში ჩავარდება: ნახშირმკევათი იწამლება და  
 ჟანგმბადის ნაკლებობის გამო სული ეხუთება. აი, ჩვენც ესე  
 მოგვივიდოდა, თუ ფანჯრებსა და კარებებს ისე გავლესავდით,  
 რომ წმინდა ჰაერი აღარსაიდგან აღარ შემოსულიყო. საქმე  
 ის არის, რომ ჟანგმბადს ვისუნთქავთ და ამოსუნთქვით კი  
 ჰაერს ნახშირმკევას ვმატებთ. ჩვენი სხეულის შინაგანში ყო-  
 ველ წამს მიმდინარეობს წელის წვის პროცესი და ამასთან  
 ჩნდება მხოლოდ ერთი ნახშირმკევა, ნახშირმბადის ჟანგი არა  
 ჩნდება, მაგრამ ამაზე, როცა ფიზიოლოგიის შესწავლას დავი-  
 წყობთ, მაშინ დაწვრილებით ვილაპარაკებთ. ზოგიერთ ადგი-  
 ლებში, ნახშირმკევა პირდაპირ მიწიდან ამოდის, იავას კუნ-  
 ძულზე არის ერთი ღელე, სადაც მიწიდან იმდენი ნახშირ-  
 მკევა ამოდის, რომ იქ ცხოვრება შეუძლებელია. ფრინველი  
 თუ მივიდა ამ ღელესთან, შინვე უსულოდ ეცემა ძირს. იტა-  
 ლიაში, ნეაპოლის ახლო, ერთი გამოქვაბულია; სადაც კაცი  
 სრულიად უვნებლად შედის, და სუნთქავს, ძალი კი, რო-  
 გორც შეჰყოფს ცხვირს გამოქვაბულში. გაგუღული ეცემა  
 ძირსა. ნახშირმკევა სწამლავს მის ორგანიზმს; ადამიანი ისე  
 უვნებლად რჩება გამოქვაბულში იმ მიზეზით, რომ გაზო გა-  
 ცილებით მძიმეა ჰაერზე და იმიტომ თითქმის დედამიწის პირს  
 ეკვრის. ცომის გაღვივების დროსაც ჩნდება ნახშირმკევა, ამი-  
 ტომ ცომი ამოდის, ისხამს მრავალ ბუშტებს და პური და-  
 ქვრეთილი გამოდის. ნახშირმკევა ჩნდება აგრძედე კვასის, ლუ-  
 დის გაკეთების დროსაც. ხომ იცით, ყველა ეს სასმელები, რო-  
 გორც კვასი, ლუდი, ღვინო, არაყი უნდა დაყენებულ იქ-  
 მნას ტებილ ქაქაზე. როცა ქაქა დუღილს იწყობს, რაც იმა-  
 ში შექარია, ამ დუღილის დროს ნახშირმკევად და სპირტად  
 გადაიქცევა. ქაფი, რომელსაც მოიგდებს ხოლმე ღვინო და  
 სხვა სასმელები, ნახშირმკევას შეიცავს. ახალ მოხდილი ღვი-  
 ნო სასიამოვნოდ შუშხავს პირს და ადამიანს ცხვირში ეცემა  
 ხოლმე. ამ თვისებას და ამ გემოს, ღვინოს ნახშირმკევა აძ-  
 ლევს. ნახშირმკევა სასმელში, მაგ., ლუდში, სრულიად უე-



ნებელია, რადგანაც ლუდის სმის დროს ცოტა ნახშირმჟავას ვაყოლებთ თანა. ამ მცირე ნაწილს კუჭისთვისაც არავითარი ზიანი არ მოაქვს, პირიქით კუჭს სწმენდავს კიდევ. მაგრამ ნახშირმჟავა საშინელი მავნებელია მაშინ, როდესაც დახურულ სარდაფში ღვინო დუღს. სარდაფში ყოველთვის უნდა წმინდა ჰაერი ტრიალებდეს, თორემ შესვლისას, შეიძლება ერთ წამში, სული შეგეხუთოს და გული წაგივიდეს. ისეთი შემთხვევაც ყოფილა, რომ ადამიანი უეცრად მომკვდარა. მაშ ახლა, აბა, რამდენი მოვლენა ვიცით, რომლის დროსაც ნახშირმჟავა გროვდება: წვა, ადამიანის და პირუტყვის სუნთქვა, ნიადაგიდგან ამოსვლა და სასმელების დუღილი. ამიტომაც საკვირველი არ არის, რომ ჰაერში ყოველთვის იმყოფება ნახშირმჟავა თუმცა არა უმეტეს ერთი მეათასედის ნაწილისა.

**ნახშირმჟავას კირი.** ბუნებაშიც ძალიან ბევრია ნახშირმჟავა, მხოლოდ გაზის სახით კი არა, შეერთებულია სხვადასხვა ნივთიერებასთან, გავიმეოროდ, ერთი წინაღ ნახული ცდა: ვიღებ კირის ქვის ნაქერს და ვღებ მაგარ ძმრიან ქიქაში ქვიდგან მაშინვე გამოხტებიან ჰაერგვარას ბუშტები: ეს ჰაერგვარა არის ნახშირმჟავა, რომელიც ძმარმა გამოსდევნა ქვიდგან. ნახშირმჟავა ქვაში კირთან იყო შეერთებული. მისი ქვიდგან გამოდევნა სხვა ხერხითაც შეიძლება: დიდხანს და კარგა გავახუროთ კირის ქვა ცეცხლზე, ნახშირმჟავა ცეცხლის გავლენით გამოვა, და ჩვენ მხოლოდ კირი დაგვრჩება. რთული ნივთიერება, კირისა და ნახშირმჟავასგან შედგენილი, ქიმიასში, ნახშირმჟავას კირად იწოდება. მაშასადამე, ბუნებრივი კირის ქვა, ყოფილა ნახშირმჟავას კირი.

**ნახშირმჟავას კირის შედგენა.** ახლა ნახშირმჟავას კირი გავანაწილეთ. აბა, ვეცადოთ და ისევ შევადგინოთ იგი. ამაზე ადვილი არაფერია: ჩავაგდოთ კირის ნაქერი წყლიან ქიქაში, ფრთხილად კი, ეს კირი ახლახან ამოიღეს, ჯერ დაუმწვარია. ნახეთ, რა ძალიან გაათბო წყალი. აი ახლა დაწყნარდა ყველაფერი. კირის ნაწილი გაიხსნა წყალში. გაუ-



ხსნელი კირი უნდა მოვაშოროთ. ძაბრზე გადავაფარებ თხელ ქალღმერთს და ქიქის წყალს ბაღიაში ვაღმომვწურავ. ჰხედავთ, ძაბრიდგან რა წმინდა წყალი ჩამოდის, მასში კი, როგორც იცით გახსნილია კირი. მივიღეთ ესრედ წოდებული კირ-წყალა, ახლა, ნახშირმეთავს კირის მისაღებად ამ წყალს უნდა მიუმატოთ ნახშირმეთავა, მაგრამ რა გზით უნდა მოვახერხოთ ესა? ვერ მეტყვი, კოტე?

— ძალიან ადვილი მოსახერხებელია ეგა. ვიშოვნე საბერავ ტყავს და ამ ტყავით მოვაგროვებ ბუხრიდგან ამოსულ ჰაერს, მაშინ, როდესაც ბუხარში ცეცხლი ანთია. რადგანაც მხოლოდ ცეცხლის დროს ჩნდება ნახშირმეთავა. შემდეგ, ტყავიდგან, შეგროვილ ჰაერს, ჩავბერავ კირ-წყალში.

— ძალიან კარგი მოსაზრებაა, მაგრამ ცოტა ძნელია. არ შეიძლება უფრო გავაადვილოთ? სიკო, შენ როგორ-ღა მოიქცევოდი?

— მე მამაჩემისგან გამიგონია, რომ ზელცერის წყალში არის ნახშირმეთავა, თუ ესეა, მაშინ ზელცერის წყალს ჩავასხამ კირწყალში, მორჩა და გათავდა.

— ჰო, ეგ უფრო ადვილია. მაშ, ზელცერის წყალში ყოფილა ნახშირმეთავა. როცა ბოთლს თავს ახლიან ხოლმე, გინახავთ წყალს რა ამბავი აქვს, როგორ შუშხუნებს და აქეთ-იქით ნაპერწკლებს ისერის. მაგრამ ჩვენ რომ ახლა ხელთ არა გვაქვს ზელცერის წყალი, რა უყოთ. ვხედავ, ნიკო იცინის, ალბად სხვა რამე ხერხი მოიგონა.

— ახლა მომაგონდა. ჩვენ ამოსუნთქვას ხომ ყოველთვის ნახშირმეთავა ამოსდევს. შეუბერავ კირწყალს და სხვა არაფერი არ უნდა.


— ყოჩაღ! ეს სულ ადვილი მოსახერხებელია. რადგანაც შენ მოიგონე, ნიკო, მოდი და შენვე შეუბერე. აიღე ლელი და ლელიდგან უბერე წყალსა. უცქირეთ, წყალი აიძვრა, თითქოს რძე ჩაასხაო. ამღვრევა შედეგია იმისი, რომ წყალში მაგარი ნახშირმეთავს კრია. ეს კირი წარმოსდგა




გახსნილ კირისა და ნიკოს პირიდგან ამოსულ ნახშირმეწველი  
 შეერთებისაგან. ჰნახეთ, რა ადვილად და მალე მივიღეთ ნახ-  
 შირმეწველი კირი? დავანებოთ ცოტა ხანს თავი, ნახევარ სა-  
 ათს შემდეგ წყალი დაიწმინდება, ნახშირმეწველი კირი ძირზედ  
 დარჩება. დაწმენდილი წყალი ფახილად გადმოვასხათ ჰიქის  
 ძირზედ, მხოლოდ კირი დარჩა. თუ დარწმუნებულნი არა  
 ხართ, მართლა ეს ის კირია, რომელსაც ვეძებდით, ჩავასხათ  
 ჰიქაში მაგარი ქმარი. დაინახავთ, რომ კირიდგან გამოხტნენ  
 ბუშტები, რომლებიც შეიცავენ ნიკოს პირიდგან ამოსულ  
 ნახშირმეწველს.

### 5. ლომაური.

(შემდეგი აქნება).



# რ ე ბ უ ს ი .



უ



პ



რ

ვ



უ  
რ  
პ  
ნ

ნაცვალ  
სახელი



ვ



”



ვ

რ

ბ



’  
ია